

禮記章句

序

昔者班固氏有言六經之道同歸而禮
樂之用為急治身者斯須忘禮則暴慢
入之矣為國者一朝失禮則亢亂及之矣
孔子之詔鯉也曰不學禮無以立誠哉人
有禮則安無禮則危也自暴秦以詐力取

天下禮樂廢壞漢興叔孫通定一切為簡
之儀以趨時變其後雖有賈誼董仲舒
王吉劉向之徒發憤太息欲取而更制之
卒不可得所不絕如綫者僅高堂生蕭奮
孟卿后蒼二戴相傳之說猶有前聖述
作之意耳迺後之人非若其繇述而公之

即泥其迹而不適於用鮮有能通其意
者抑亦知古今人情未嘗異而聖賢去人
不遠乎詩三百孔子以一言蔽之曰思無邪
禮儀三百威儀三千亦曰主於敬而已矣
敬則天下不期治而自治堯之戰慄文
王之心翼翼是也且禮者仁與義之章

也逃而公之者無論矣不有中心之誠以將
之而徒僕之爲逐儀文之末節其亦可以
言治乎哉先生以書由梳而字梯盡掃
自來說禮諸家矯誣束縛之病而隸之
精當猶撲雲霧而見日月豈惟鑽考亭
之餘緒抑寔爲小戴之功臣也嗚呼坐而言

必起而行斯儒術乃為可賢也故聖人之治
天下酌乎天理順乎人情段令禮樂不足以
為治則聖人固可以無作矣廼求之愈深說
之愈曲而其旨愈晦使讀者徒震驚焉其
言而河漢焉幾於無所措手足而望之然
太之惟恐不速夫豈聖人之意哉今有此

書而吾知其弊可以免矣既由杭州槩成來
徵序於余因爲引班固之言以明之學
者玩索而詳味焉可以出而左

聖天子之治己

光緒丙申夏四月同郡後學吳引孫謹序

禮記章句目錄

卷之一

曲禮上第一

曲禮下第二

卷之二

檀弓上第三

檀弓下第四

卷之三

王制第五

月令第六

卷之四

曾子問第七

文王世子第八

禮運第九

卷之五

禮器第十

郊特牲第十一

內則第十二

卷之六

玉藻第十三

明堂位第十四

喪服小記第十五

大傳第十六

少儀第十七

學記第十八

卷之七

樂記第十九

雜記上第二十

雜記下第二十一

卷之八

喪大記第二十二

祭法第二十三

祭義第二十四

祭統第二十五

經解第二十六

卷之九

哀公問第二十七

仲尼燕居第二十八

孔子燕居第二十九

坊記第三十

中庸第三十一

見四書
註義

表記第三十二

緇衣第三十三

奔喪第三十四

卷之十

問喪第三十五

服問第三十六

間傳第三十七

三年問第三十八

深衣第三十九

投壺第四十

儒行第四十一

大學第四十二

見四書
詮義

冠義第四十三

昏義第四十四

鄉飲酒義第四十五

射義第四十六

燕義第四十七

聘義第四十八

喪服四制第四十九

禮記章句序

小戴四十九篇。大抵純駁相雜。蓋漢儒傳記之屬。而
漢以來。並列學宮。莫之或易。下及元明。設科取士。皆惟以
戴記。而周禮儀禮。蓋不與焉。偵矣。然儀禮先聖之濫。而行
禮者。貴得聖人之心。無得於聖人之心。則節文亦末焉已。
爾。戴記雖不皆純。而古人遺意。與夫先聖微言。有傳之未
失其真者。則皆有禮樂精義所存。是以由曲臺而大戴。由
大戴而小戴。亦既愈汰愈嚴。今大戴餘篇猶存。而程朱自
小戴表章學庸。遂以紹千聖相傳之道統。知小戴之獲列
於經。非無謂也。况世遠年湮。經殘禮廢。而情深服古之儒。

志在踐履先王以求陶淑其身心以昭周孔之訓其因文而得意因略而得詳者舍是書其曷從也哉或曰小戴中亦唯學庸耳今既撮出二篇則其餘未見尙於大戴者余曰不然學庸固醑乎其醑而餘若曲禮內則少儀則皆筋骸之範圍爲學者一言一動之所不可廢其喪禮大小諸記及冠昏祭鄉射燕諸義則又盡節目之詳繹前聖制作之意實羽翼儀禮而相需以並傳學樂二記馴雅深純無容訾毀由是言之則非大戴遺篇所可及明矣顧先儒之治小戴者鄭注旣祖讖緯孔疏一於附會皇熊漫濫鮮有可觀是無論戴記之駁者愈遠愈離卽其中之所謂純亦

因之而盡駁。宋儒程張雖時發精義。未嘗統爲折衷。朱子
旣看儀禮有序。而欲因經附傳。斯記庶幾就理。未克成書。
以付黃勉齋。然勉齋所手定。又時似與朱子舊說稍殊。要
於二禮全書。亦未遑詳爲梳櫛也。外此則荆國旣多矯誣。
藍田未免束縛。方氏附會爲多。石梁批剝過當。餘若輔氏。
饒氏。應氏。吳氏之徒。各有發明。而劉氏時多粹語。陳氏考
據詳慎。時爲特出者歟。獨是制科戴記取士。於是士雖名
爲習禮。徒矜羔鴈先資。遂至武林之集解。凡遇喪禮。皆盡
行刪闕。是宜乎雲莊之浩然興歎也。草廬多所紛更。果於
自用。雖今人有崇事其說者。於鄙意則未敢愜焉。要以平

易純正。甯取雲莊爲最。但陳注或雜引他說。不爲折衷。或
隨手摭援。不順文義。而其閒擇之未精。語之未詳者。亦所
時見。續每讀之。而有不能釋然於心者。常欲更爲蒐剔。以
示來茲。而又以質本愚蒙。觀覽不廣。誠恐適滋固陋之譏。
是以更欲需之歲月。迺吾徒有請者曰。必求觀覽之廣。則
畢世其何窮也。聖賢只有此心。當於理焉合矣。予旣領之。
因卽雲莊舊注。略復蒐輯。紹聞。更參鄙見。斟酌去取。別其
章句。手錄成書。雖所取用。不過數家。深慙孤陋。然前聖作
述之心。及高堂生。蕭奮。孟卿。后蒼。二戴相傳說禮之意。與
夫學禮者身心之範。或亦其有得焉。以無戾於先儒也乎。

若乃因經附傳而合斯記於儀禮則竊有志也而姑待焉
亦以小戴爲今日習禮專經故莫若詳於是焉以斯爲儀
禮之筏也篇次悉因舊本毋若應刪吳裂至其所以去取
之故是非之辨有非章句所能悉載者則又竊附朱子四
書或問之例別著或問一編以盡其說世有取此書而閱
之者或亦可爲儀禮之堦而資風教之一助更取或問而
閱之其亦可以知紱之心矣

乾隆元年正月之望婺源汪紱自序

禮記卷之一

烏程盧葆辰子

同邑程夢元颺園

婺源汪

紱雙池章句

後學

古歙汪 鑣範泉

校字

同邑余家鼎彝伯

曲禮上第一

曲委曲也。曲禮古禮經篇名。蓋所言皆禮之委曲節目。漢儒拾其遺言而復雜

取經傳之言。禮者集以成篇。因遂亦以曲禮名之。分為上下二篇。此篇凡一百有四章。○張子曰。物我兩

盡。自曲禮入。

曲禮曰。毋不敬。儼若思。安定辭。安民哉。

此古曲禮之言也。黃氏曰。毋。禁止辭。

儼。矜莊貌。人之坐思。貌必儼然。安定。審也。毋不敬。正其心也。儼若思。正其貌也。安定辭。正其言也。安民哉。正己而物

正也。愚按嚴若思者。嚴肅於外。以一其中也。安定辭者。詳慎於中。而後達之外也。敬合內外。曰毋不敬。則無一念之敢忽矣。貌言舉其大端也。脩己以敬。而安民不外是矣。哉者。擬其然之辭也。朱子曰。此章言君子脩身。其要在此三者。而其效足以安民。乃禮之本。故以冠篇。○范氏曰。○敖經禮三百。曲禮三千。可以一言以蔽之。曰毋不敬。○敖

不可長。欲不可從。志不可滿。樂不可極。敖從音縱。樂音洛。○

敖。矜己而慢物也。欲。如飲食男女之欲。敖者。人之所不可有。不可長。宜杜其漸也。欲者。人之所不能無。不可從。以防

其流也。志。必期於遠大。然當虛於受人。滿則招損矣。樂亦人有同情。然當樂而有節。極則生悲矣。主之以敬。則自無

四者之累也。○朱子曰。此篇雜取詩書精要之語。集以成篇。雖大意相似。而文不連屬。此四句不知何書語。又自爲

一節。皆禁戒之辭。○賢者狎而敬之。畏而愛之。愛而知其惡。憎而

知其善。積而能散。安安而能遷。狎。謂素親狎。安安。謂安其

於其所狎。能敬之。於其所畏。能愛之。於其所愛。能知其惡。於其所憎。能知其善。雖積財而能散施。雖安安而能遷義。

可以為法也。與上下禁戒之辭不同。紱按敬以直內義以
方外。則中無所偏。而用以各中其節矣。安安無所慕於外
也。能遷無所繫於中也。○臨財毋苟得。臨難毋苟免。很毋求勝。分毋

求多。難分皆去聲。毋苟得。見得思義也。毋苟免。見危致

多。徒為失已也。思謂。很。不惟不當求勝。并很不可有疑事

毋質直而勿有。質。猶成也。斷也。事有疑則闕之。勿以己意

少儀所謂毋身質言語也。直而勿有。謂陳我所見。聽彼決

擇。不可據而有之。尊務強辨。不然而勿有。謂陳我所見。聽彼決

○若夫坐如尸。立如齊。夫音扶。齊側皆反。○尸以象神。齊

之目也。○朱子曰。劉原父云。此乃大戴禮曾子事父母篇

之辭。曰。孝子惟巧變。故父母安之。若夫坐如尸。立如齊。弗

訊不言。言必齊色。此成人之善者也。未得為人子之道也。

此篇蓋取彼文。而若夫二字失於刪去。鄭氏不知其然。乃

謂此二句為丈。○禮從宜。使從俗。則不必為苟異也。○先

王制禮非可以毫髮變也。然器數儀節之末。及容有禮制之所未及者。則可以隨宜而行之。所謂禮以義起者也。先王之世。家不殊俗。然或有風土所囿。小若不同之閒者。可從則從之。不為駭俗耳。若禮之大經。不可變者。而亦曰從宜。未俗之反道敗德。必不可從者。而亦曰從俗。則同。夫流合汙。其為害大矣。讀者無失記者之意焉。可也。○夫

禮者。所以定親疏。決嫌疑。別同異。明是非也。疏。夫音扶。○親

禮定之。彼此之嫌疑。以禮決之。物類之同異。以禮別之。事禮之是非。以禮明之。蓋禮者。體也。天理之節文。各有定體。

而不可踰也。孔疏專以○禮不妄說人。不辭費。說音悅。○

喪禮言未盡其義矣。○禮不妄說人。不辭費。妄說人以非理。徇人而求說之也。辭費。若佞口之類。禮不踰節。不侵

此巧言令色。足恭者。託於禮而非禮者也。禮不踰節。不侵

侮。不好狎。好狎。慢也。此皆明叛於禮者也。脩身踐言。謂之

善行。行脩。言道。禮之質也。脩身。則其行脩矣。言必求踐。則

其言道矣。善行之成也。行脩。則必不為妄說。踰節。侵侮。好

狎之事。言道。則必不為辭費。踰節。侵侮。好狎之言。質。謂質

幹也。是雖未足盡禮。然禮必以此爲質幹。所謂忠信之人。可以學禮者也。若不本於脩身立誠。而徒事乎威儀文辭。之末以爲禮。則文勝之失也。○禮聞取於人。不聞取人。禮本既亡矣。其將如禮何哉。

聞來學。不聞往教。朱子曰。取於人者。爲人所取法也。取人者。人不來而我引取之也。來學往教。卽其事也。絃按此卽人能宏道非道宏人之意。言人當學禮。禮不能強人而使之來學。亦勉人之辭也。○道德仁義非禮不成。仁者。心之德。愛之理。義者。心之制。事之宜也。道德不外於仁義。其實一而已矣。禮以制中。而有定體。性雖無不中正。而不能不雜於形氣之私。故必由禮以範圍之。然後能不奪於形氣之私。而一於性命之正。若其不然。則日用事物之間。耳目手足皆無法度之可循。愚不肖者必奪於人欲。而道德仁義亡。賢智者又或流於異端。而忘返矣。是道德仁義非禮不成也。周子言定之以仁義中正。其言仁義而又必教訓正俗。非禮不備。立於上曰教。示言中正者。亦此意也。

教訓正俗。非禮不備。於下曰訓。皆所以正俗也。先王之教民。禮而已耳。禮洽則民俗無不正矣。教民而不以禮。則禁令雖日煩。亦無成功。教終闕然也。後

世非不教民也。而俗終日偷者何分爭辨訟。非禮不決。分哉。以先王之禮廢然而不講故也。君臣上下。父子兄弟。非禮別同異明是非。而爭訟可決矣。君臣上下。父子兄弟。非禮不定。禮所以辨上下定親疏也。君臣上下而無禮則亂於國。父子兄弟而無禮則亂於家。非無君臣上下父子兄弟也。分不定而恩賊義乖。無官學事師。非禮不親。官學以爲君臣上下父子兄弟矣。官學事師。非禮不親。皆有所接以禮。則情不狎而親愛之意生。苟無禮焉。不乖則慢矣。班朝治軍。涖官行法。非禮威嚴不行。官朝音潮。○朝廷百者。如周禮太僕掌燕朝之位。司士掌治朝之位。朝士掌外朝之位也。軍禮有五。如司馬四時振旅治兵之類。皆是。涖官。卿大夫涖事於官府也。行法。希之法令也。四者。皆貴於威嚴。然不以節文行之。則亦無以成其威嚴也。禱祠祭祀。供給鬼神。非禮不誠不莊。類中。心之誠以禮而著外貌之莊。依禮而立。苟無禮以節之。則亦錯亂無章。誠意以散。而不免於跛倚以臨矣。以上七節。歷言凡事之不可無

禮而淺深本末至爲。是以君子恭敬擗節退讓以明禮。恭
敬之見於外。敬者。恭之主於中。擗節者。檢制約束之意。本
恭敬之心而行之於擗節。出之以退遜。此君子盡禮之實
也。凡事皆不可以無禮。是以君子必恭敬擗節退讓以盡
禮。所以明禮之當然也。夫曰明禮則節文度數之詳必嚴
必慎。以求盡夫天理之至。又不止於爲禮之質而已。然必
本之於恭敬擗節退讓焉。則節文度數之閒皆莫非行脩
言道之質。而非徒玉帛進退之虛文矣。此禮之所以明也。
凡此上下數章。文雖不屬而意實相承。讀者宜合而觀之。
可。○鸚鵡能言。不離飛鳥。猩猩能言。不離禽獸。今人而無
禮。雖能言。不亦禽獸之心乎。夫惟禽獸無禮。故父子聚麀。
夫音扶。○鸚鵡。慧鳥。白綠二色。亦有五色者。隴蜀嶺南皆
有之。猩猩。人面豕身。出交趾封谿山中。禽者。鳥獸之通名。
麀。牝鹿也。人之所以異於禽獸者。以有所性之理而已。而
禮者。天理之節文也。無禮則無節文。而天理昧矣。聚麀。瀆
倫之大者。舉其甚而言之。是故聖人作。句。爲禮以教人。使
以深見之人。不可無禮也。是故聖人作。句。爲禮以教人。使

人以有禮。知自別於禽獸。

作謂興起而為君師也。聖人全盡人道。故因天理自然之節而

為禮以教人。人有禮以相接。以循天理而無失其性。則知所自別於禽獸矣。上章言君子脩身而復禮者也。此章言

聖人首出而制禮者也。

○太上貴德。其次務施報。禮尚往來。往而不

來。非禮也。來而不往。亦非禮也。

太上者最先之意。猶言首務也。貴猶尚也。德即人所

得乎天之理。禮之本原也。施先施也。報報人之施也。務之

者精察於酬酢萬變之間。使稱物平施而一乎天理之正也。此禮之用也。往來即施報之事也。言禮之本原人所同

得而用之。則散著於事物之交。故禮之首務要以尊向己德為本。使無失其忠信之質。而次之則務於施報之用。以

嘉其所會。使無不合乎天理之節文。蓋貴德者尊德性之謂也。而務施報者道問學之功也。前章所言脩身踐言以

為禮之賢者。即貴德之謂也。所云恭敬撝節退讓以明禮者。即務施報之謂也。又言禮以嘉其所會。故往來之用不

可不嚴。往而不來。其失在人。固為非禮。來而不往。其失在我。亦為非禮。所以申明報施之當務也。然往而不來。必我

之往者有未盡道也。則君子亦惟以禮自飭而已。需暇責

人哉。或曰。報卽樂記禮有報之報。此卽嚴而泰和而節之意也。亦通。○可亭朱氏曰。鄭氏以太上爲三皇之世。以其次爲三代。○人有禮則安。無禮則危。故曰禮者不可不學也。循乎禮則有天禮自然之安。○夫禮者自卑而尊人。雖負販者必有尊也。而况富貴乎。夫音扶。禮主以減。而以敬爲本。自卑尊人。所謂施也。負販者必有尊。見自卑之道。富貴而知好禮。則不驕不發乎人心。自然而非有所強也。淫貧賤而知好禮。則志不懾。知好去聲。懾之涉反。○懾。怯也。於富貴貧賤卽上章所謂安也。謙尊而光。何驕淫之有。卑而不可踰。何懾之有。○自禮定親疏以下。至此八章。文雖不屬。而意實相承。大要言禮之貫乎人倫事物。而爲言行之範圍。故人當脩身踐言以爲質。而於倫物交際之閒。猶必恭敬撙節。退讓以盡其節文。蓋聖人制禮所以別人於禽獸者。人有禮則安。無禮則危。是以合富貴貧賤而皆不可不學也。○人生十年曰幼。學。二十曰弱。冠。三十曰壯。有室。四

十曰強而仕。五十曰艾。服官政。六十曰耆。指使。七十曰老。

而傳。八十九十曰耄。七年曰悼。悼與耄雖有罪。不加刑焉。

百年曰期頤。朱子曰。十年曰幼。爲句。絕學字。自爲一句。下

以學識言。呂氏曰。艾者。髮蒼白如艾之色也。壯以筋力言。強

命之仕。五十始命之服官政。仕者爲士。以事上治官府之

小事也。服官政者。爲大夫以長人。與聞邦國之大事也。才

可用。則命之仕。德成乃命之爲大夫也。耆者。稽久之稱。不

自用力。惟以指意使令人。故曰指使。傳。傳家事於子也。耄

或忘也。悼。憐愛也。耄者。老而知己衰。悼者。幼而知未及。雖

期。故曰期。飲食居處動作無不待於養。故曰頤。大夫七十

而致事。還其職事。若不得謝。則必賜之几杖。雲莊陳氏曰。

不許其致事也。凡所以惡杖。行役以婦人適四方。乘安車。

所以倚。賜之。使自安適也。孔氏曰。婦人能養人。故許自隨。古者四

馬之車。立乘。安車者。一馬小車。坐乘也。自稱曰老夫。於其

國則稱名。呂氏曰。老夫。長者之稱。已國稱名者。父母之邦。不敢以尊者自居也。越國而問

焉。必告之以其制。制。猶典故也。言他國有越國而來問於此七十之大夫者。此大夫必當以國之

典故告之。蓋言貴有徵也。○謀於長者。必操几杖以從之。長者問。不辭

讓而對。非禮也。長之丈反。操平聲。○謀於長者。就長者謀事也。應氏曰。操几杖以從。非謂長者所無

也。執弟子之役。其禮然耳。汪子政曰。辭讓而對。若孝經曾子避席而謝不敏是也。若子路率爾而對。則不讓矣。○

凡爲人子之禮。冬溫而夏清。昏定而晨省。在醜夷不爭。七

性反。省悉井反。○丹崖陳氏曰。溫以致其煖。如溫被之類。清以致其涼。如扇枕之類。定以安其寢。省以問其安。愚按。

醜。同類也。夷。平等也。在醜而爭。則兵不爭者。懼辱親也。○夫爲人子者。三賜不及車

馬。故州閭鄉黨稱其孝也。兄弟親戚稱其慈也。僚友稱其

弟也。執友稱其仁也。交遊稱其信也。夫音扶。○言爲人子者。謂父在也。古者三

命而有車馬。三賜不及車馬。受三命而不敢受車馬也。蓋父無車馬則已不敢乘。父有車馬已亦不敢並也。其平日之仁讓可知矣。二千五百家爲州。二十五家爲閭。萬二千五百家爲鄉。五百家爲黨。僚友同官之友。執友同志之友。慈愛弟順也。仁仁親也。信孝之有實也。變文以見其稱譽之眾耳。○此數節雖皆雜舉爲人子之禮。而文意不相聯屬。○見父之執不謂之進不敢進。不謂之退不敢退。不問不敢對。此孝子之行也。行下孟反。○父之執。父之執友也。以敬父之心。敬父執。故曰孝子之行。○夫爲人子者。出必告。反必面。所遊必有常。所習必有業。恆言不稱老。夫音扶。告工毒反。○告。告以所往也。反。還也。面見也。有常有方也。雲莊陳氏曰。遊有常。身不他往也。習有業。心不妄用也。恆言。常言也。自以老稱。則父母爲過於老矣。不稱老。欲安父母之心也。○年長以倍。則父事之。十年以長。則兄事之。五年以長。則肩隨之。長之丈反。○肩隨。並肩而少後也。○羣居五人。則長者必異席。長之丈反。

○雲莊陳氏曰。古者地敷廣席而容四人。長者居席端。若五人會。則長者一人異席也。○爲人子者

居不主奧。坐不中席。行不中道。立不中門。主猶當也。室西南隅爲奧。尊者

所居也。四者皆不敢當尊之意。食饗不爲槩。祭祀不爲尸。槩苦蓋反。○古

禮。食以飯爲主。饗以飲爲主。皆所以奉祭祀賓客也。槩量也。饌具之多寡。不敢自爲限量。當順親意也。古者祭必以

尸。所以象神。卜尸當以無父者爲之。父在則不爲尸。亦不敢當尊也。聽於無聲。視於無形。丹

陳氏曰。親雖未言亦聽之。恐言而不及聞也。親雖未動亦視之。恐動而不及見也。雲莊陳氏曰。此先意承志也。不

登高不臨深。不苟訾不苟笑。訾音紫。○丹崖陳氏曰。訾毀也。登高臨深。危道也。苟訾苟笑。毀

笑。辱道也。孝子不服闇。不登危。懼辱親也。闇音暗。○孔氏曰。也。戒之。孝子不服闇。不登危。懼辱親也。不服闇。不行事於

暗中也。呂氏曰。服闇。欺人所不見。登危。行險以徼幸。是忘

親也。不令之名。且將加之。辱道也。邵氏曰。爲子之道。卽當

自卑以尊親。尤當自重以愛身。愚按。此二○父母存。不許

友以死。不有私財。

許友以死。俠者之行。親存而以死。許人是忘親也。不有私財。不敢私也。○黃氏

曰。許友以死。雖父母不在。亦不可。

○爲人子者。父母存。冠衣不純素。孤子

當室。冠衣不純采。

純音準。○純。冠衣之緣也。不純素。樂親存也。幼而無父。曰孤。當室爲父後者。不

逮事父而承父後。終天之恨。故終身不純采。以志哀也。○眾子則否。

○幼子常視毋誑。

視示同。教

之以誠也。童子不衣裘裳。衣去聲。○不衣裳。未盡飾。立必正方。不傾聽。以聽也。此二者。養之以敬也。

不傾聽。

正方。正嚮一方也。傾聽。側耳也。○長者與之提攜。則

兩手奉長者之手。負劍辟咤詔之。則掩口而對。

長之丈反。奉音捧。辟

音僻。咤音二。○丹崖陳氏曰。提攜。謂牽行。奉手。所以承長者之意。負劍。卽帶劍。謂長者旁挾幼者。狀如帶劍也。咤。口

旁詔告語也。掩口而對。以手障口。不使氣觸長者也。○從於先生。不越路而與人言。

遭先生於道。趨而進。正立拱手。先生與之言。則對。不與之

言則趨而退。

從去聲。先生有齒德者之通稱。從隨行也。不越路而他言。豈於先生不敢分其志。且慮

先生有詔令而已不在也。遭遇也。趨以致敬也。趨進正立拱手致敬禮焉。且待命也。不與之言則退。恐先生有他務

而不敢以已干之也。○從長者而上。上。陵則必鄉長者所視。從鄉皆

之丈反。上時掌反。土高曰上。大阜曰陵。鄉長者所視。恐其因所見而問。則當即所見以對也。○登城不

指。城上不呼。

呼去聲。城上禦患之所。有所指有所呼。皆駭人且失容。○將適舍求毋

固。戴氏曰。就館者誠不能無求於人。然執平日之所欲而求。必得於人。則非爲客之道矣。○將上堂

聲必揚。戶外有二屨。言聞則入。言不聞則不入。聞去聲。上堂升主

人之堂也。此蓋親狎燕見。無賓主之禮而獨升其堂者。揚聲使在室者知之也。戶入室之戶。古人即席必脫屨。不以

屨踐席。在室則惟長者一人脫屨於戶內。餘人皆脫屨戶

外。戶外有二屨。則及長者而三人矣。三人相與言而聲不

聞於戶外。則不敢入。將入戶視必下。入戶奉扇視瞻無回

戶開亦開戶闔亦闔有後入者闔而勿遂奉音捧扇滑紫反。○入戶由戶
以入室也。扇戶開木。奉扇者。兩手當心。如奉扇然也。回邪
轉也。視下無回。皆恐干人之私也。開闔皆如其前。恐違主
人之意也。遂闔之盡也。闔而毋踐履毋踏席。搯衣趨隅。必
勿遂。又嫌於拒後入者也。毋踐履毋踏席。搯衣趨隅。必
慎。唯諾。踏音述。搯苦侯反。唯上聲。○戶內有屨。戒勿踐之。
由席隅以升坐也。此皆節席之儀也。既即席坐。則應對又
所當謹也。○范氏曰。此數條。其事雖小。推廣之。有正心誠
意之道。○大夫士出入君門。由闔右。不踐闔。闔音業。闔音域。
扉之閒者。闔門限也。闔右。闔之東也。凡言門之左右。皆據
入之左右為言也。古者南向。惟一門。而門中樹闔。本國君
臣出入。皆由東扉。但君出入。皆由東扉之中。所謂棖闔之
閒也。大夫士出入。則行稍近闔。不敢由棖闔之中。故
曰。由闔右也。其西扉。則賓客所出入者。無。○凡與客入者。
賓客則闔之。不踐闔者。恐不恪而失容也。○每門讓於客。客至於寢門。則主人請入為席。然後出迎客。

客固辭。主人肅客而入。主人入門而右。客入門而左。凡者通貴賤而言也。每門諸侯有庫門。雉門。路門。大夫亦有二門也。

入門。本主先客後。然必讓客者。節文宜然耳。為布也。席非必待主人自布。以致敬耳。出迎客。則又讓客先。故客固辭肅。俯手揖也。揖客而先入。以導客也。門東為右。門西為左。

主人就東階。客就西階。客若降等。則就主人之階。主人固

辭。然後客復就西階。主東客西。陰陽之義也。後世惟知上東則客反東。失之矣。降等等列卑於

主人也。客雖降等。無由東階者。就主人之階。若從主人焉。示謙耳。故主人固辭。則客乃復就西階也。主人與

客讓登。主人先登。客從之。拾級聚足。連步以上。上於東階

則先右足。上於西階。則先左足。拾詩業反。○讓登。猶讓入也。先登。猶先入也。從之。繼

登也。拾。涉也。級。階等也。拾級聚足。每登一級。必俟兩足相聚。不躡等也。連步。相綴為步。不稽留也。主人先右足。客先

左足。賓主以相向為敬也。○帷薄之外不趨。堂上不趨。執玉不趨。堂上

接武堂下布武室中不翔

孔氏曰帷帳也。薄簾也。接武足迹相接也。行而張拱曰翔。朱子

曰帷薄之外無人不必趨以示敬。堂上地迫室中地尤迫故不趨不翔。陳氏曰執玉不趨不敢趨也。

○並坐

不橫肱授立不跪授坐不立

雲莊陳氏曰橫肱則妨並坐者不跪不立皆以不便於受

也。○凡爲長者糞之禮必加帚於箕上以袂拘而退其塵

不及長者以箕自鄉而扱之

爲去聲拘音鉤鄉去聲扱音吸。○糞拊同。掃席前曰拊。袂

袖拘障也。退卻行也。扱斂取也。丹崖陳氏曰初則置帚箕上得以兩手舉箕掃地之時則一手執帚一手障之卻步

而行不使塵及長者終則以箕自鄉斂取其塵不以箕鄉長者皆敬也。呂東莊曰一拊掃之間而古人致敬儀節之

詳如此此灑掃應對進退之所以豫其誠敬而爲大學之基也。今世童子驕情家稍富厚則灑掃非其所事矣。謂之

何○奉席如橋衡奉音捧○請席何鄉請衽何趾○鄉去聲

衽臥

席也。設坐席則請何鄉設卧席則請何趾。孔氏曰坐爲陽面亦陽也卧爲陰趾亦陰故所請不同何趾趾鄉何方也。

席南鄉北鄉以西方爲上東鄉西鄉以南方爲上鄉去聲

曰東鄉南鄉之席皆尙右若非飲食之客則布席席間函

西鄉北鄉之席皆尙左也

丈飲食之禮賓席西階之上牖間南鄉主席東階之上序

也言論欲近而得以相聞故對布其席而兩席相去間約

容一丈也孔氏曰席制三尺三寸三分寸之一則兩席并

中閒空地主人跪正席客跪撫席而辭客徹重席主人固

辭客踐席乃坐徹直列反重平聲○此下皆承函丈之席

席所以安客徹之謙也固辭則止矣客

踐席乃坐待客升席而後賓主皆坐也主人不問客不先

舉客來必欲有所言故主人問將卽席容毋作兩手握衣

去齊尺衣毋撥足毋蹶○苦侯反齊音咨撥卜末反蹶音

遽則容有似於作者容毋作欲其安舒也兩手握衣使齊

去地尺恐蹶之而傾跌失容也撥發揚貌蹶遽起貌毋撥

毋蹶。皆欲其安詳也。先生書策琴瑟在前。坐而遷之。戒勿越。坐。跪。遷。移也。越。

踰而過之也。丹崖陳氏曰。此二節。皆將卽席之事。下文乃旣卽席之事。虛坐盡後。食坐盡前。

坐必安。執爾顏。長者不及。無僂言。盡子忍反。無毋通。僂士。鑒反。○非飲食之席。則

虛坐也。盡後。謙也。食坐盡前。便也。坐必安。毋動搖也。爾。指少者言。執顏。正其顏色。若執持之焉。敬也。不及。未言及之

也。僂言。參雜長也。正爾容。聽必恭。毋勦說。毋雷同。必則古昔

者之先而言也。正爾容。聽必恭。毋勦說。毋雷同。必則古昔

稱先王。勦。初交反。○容。主一身而言。正之。欲其肅也。聽。聽

之言也。法古昔稱先王。非法不言也。○此章因設席之禮

而遂詳卽席言貌之宜。皆行脩言道之實。學者不可以爲

小節而忽之也。○侍坐於先生。先生問焉。終則對。坐才卧反。○問

既終。不敢隱。請業則起。請益則起。請業者。求所肄習之常。請益

○父召無諾。先生召無諾。唯而起。唯。上聲。○諾。唯。皆應聲

者。求所未盡之蘊。起。致敬也。諾。緩而唯。速。急趨尊命。

也。○侍坐於所尊敬。無餘席。見同等不起。坐才卧反。○餘

侍坐於所尊敬。而所布尚有餘席。則同等者或至而偕侍。坐已亦當爲之起。俟同等者即席而後坐可也。若惟所尊

敬與己之席。而無他席。則是所尊敬者專與己有所論說。故見同等不起。嫌於讓坐而聽尊者之論說不專。且違尊

者之意也。燭至起。食至起。上客起。雲莊陳氏曰。燭至。時之變也。意也。故

也。故○燭不見跋。見賢徧反。跋音拔。○跋。燭本也。燭將盡。皆起。○燭不見跋。則易燭而藏其殘燭之本。不使客見之。

恐客以夜久而辭退也。此因○尊客之前不叱狗。讓食不

上章燭至起而類記之也。因○尊客之前不叱狗。讓食不

唾。叱音赤。唾吐卧反。○方氏曰。不叱狗。不以至賤駭尊者。之聽也。雲莊陳氏曰。讓食不唾。嫌於鄙惡主人之饌也。

丹崖陳氏曰。慮○侍坐於君子。君子欠伸。撰杖履。視日蚤

拂尊者之意也。○侍坐於君子。君子欠伸。撰杖履。視日蚤

莫。侍坐者請出矣。坐才卧反。撰。土免反。莫音慕。○欠。呿口。撰。具也。欲理其杖履也。四。○侍坐於君子。君子問更端。則

起而對

坐才卧反更平聲○問更端更易事端以問也

○侍坐於君子若有告者

曰少閒願有復也則左右屏而待

坐才卧反閒去聲屏音丙○丹崖陳氏曰復白

也言欲得少閒陳以白事也或屏於左或屏於右屏所以遠人之私語待所以防君子之召

○毋側聽

毋噉應毋淫視毋怠荒

噉音高急以應則聲容不靜淫溢以視則目容不端容止怠荒則立容不靜

則目容不端容止怠荒則立容不靜此視聽言動之必以禮也遊毋倨立毋跛坐毋箕寢

毋伏斂髮毋髡冠毋免勞毋袒暑毋褰裳

斂音庇髡音替免如字袒音但

褰苦堅反○跛偏任一足也箕兩展其足如箕也伏覆身也髡髮髮言髮垂如髮也免脫去之也袒露臂以息勞也

褰裳揭裳以納涼也此卽一身之行立作卧冠衣無不交謹焉也人能於此十二者而誌之則非僻之心亦庶幾無

自而入矣○侍坐於長者屨不上於堂解屨不敢當階

坐才卧反長之

丈反○坐於室則長者一人脫屨於戶內而餘人皆脫屨戶外坐於堂則亦惟長者一人脫屨於堂上而餘人皆脫

屨堂下。解屨不敢當階。當就屨跪而舉之。屏於側。○屏音丙

而脫之。則俯就屨。跪而舉之。以屏於側。○既解

屨。俯而納屨。鄉去聲。長之丈反。○此乃著屨之事也。將著

而解於側。今著屨時。則復跪而遷屨於前。然○離坐離立。

毋往參焉。離立者。不出中閭。○離如字。參七南反。○離。麗也。

或耦語。毋干人私。且拂人意也。行而過之。○男女不雜坐。

不同櫬枷。不同巾櫛。不親授受。○櫬音移。○枷。枷也。枷架同。

器梳也。凡此皆嫂叔不通問也。○諸母不漱裳。○諸母。謂父

之妾。以敬父也。○外言不入於梱。○內言不出於梱。○梱。本反。

別內外者也。○外言。公事。不得與以婦女內言。○女子許嫁。

聞。不得于於朝廷。辨內外。防牝晨。遠鄙褻也。

纓非有大故不入其門

女子許嫁則係於纓所以識之也。未許嫁則猶子。既許嫁則人婦。故

非有大故不入其寢。

姑姊妹女子子已嫁而反兄弟弗與同席而坐

弗與同器而食

女子子謂所生之女子也。內則七年男女不同席不共食。而此言已嫁而反則然者

蓋已嫁而反則別之尤必嚴也。獨言兄弟者省文耳。

○父子不同席

與尊卑也。

○男女非

有行媒不相知名非受幣不交不親

行媒媒氏之往來通言也。昏禮初納采

擇也。次問名。問女子之名氏也。女子之名不通於外。故必問而後知之。次納吉。卜得吉也。次納徵。納幣以聘也。次請

期。定昏期也。次親迎。親迎而後交親。然納采問名。昏猶未定。至納幣則已定矣。故日月以告君。齊

戒以告鬼神。爲酒食以召鄉黨僚友以厚其別也

齊側皆反。食音

嗣。○凡子女始生三月。卽以年月名告於閭史。司民掌登萬民之數。異其男女。三年大比。則以詔司寇而獻於王。

又媒氏掌萬民之判。凡男女自成名以上皆書年月日名。令男子三十而娶。女子二十而嫁。是男女之日月皆告君

也。昏禮納采問名納吉納徵請期皆主人几筵於廟既成婦而見於廟是齊戒以告鬼神也。既昏而饗賓僚同官者友朋友也。凡此皆取妻不取同姓故買妾不知其姓則卜以重夫婦之倫也。

之。取去聲。鄭氏曰不取同姓。○寡婦之子非有見焉弗為其近禽獸。卜之。卜其吉凶。○寡婦之子非有見焉弗

與為友。見賢偏反。○以寡婦遠嫌也。若賀取妻者曰某

子使某。閨子有客使某羞。取去聲。○此使者致辭也。某子指使來賀者某使者自名。子指

取妻者有客指所召之鄉黨僚友羞饌具也。昏禮不賀故有來饋者則致辭如此。曰賀取妻者亦記者蒙俗為言耳。

○貧者不以貨財為禮老者不以筋力為禮。不足禮之以所也。

○名子者不以國不以日月不以隱疾不以山川。為其也。

諱也。蓋周禮然也。男女異長。長之丈反。○各男子二十冠而字。冠

聲。○成人而冠冠父前子名君前臣名。然於君父之前則而字之敬其名也。

豐已言。曲禮上第一

仍以名呼尊君父也然此亦以對君父言若臣子
自以行等相呼則雖君父之前未應以卑名尊也女子許
嫁笄而字女子已許嫁則十五而笄未許嫁年二十亦笄笄而字之○凡進食之禮左

穀右菹食居人之左羹居人之右膾炙處外醯醬處內蔥

漆處末酒漿處右以脯脩置左胸右末截側吏反食音嗣炙之夜反漆音膏

胸音劬○穀肉帶骨者菹切膚肉也食飯也牛羊與魚之

醢醢而切之為膾以弗穿肉於火上炙熟之曰炙醢醢也

醬醢類蔥漆蔥菹也漿酸水也以梁飯漬水成之脯乾肉

脩以薑桂脩治而乾之者胸脯脩之中屈處也左陽右陰

骨剛處左肉柔處右食燥處左羹溼處右順陰陽之宜也

膾生肉炙火肉皆異饌而不宜多食者故處外醢醢食之

主用以調和羹穀者故處內蔥漆加豆也故處末酒漿又

處羹之右羹猶有菜肉糝之酒漿則水類也呂氏曰脯脩

左胸右末便於食也食脯脩者先末雲莊陳氏曰酒漿兼

設則左酒右漿孔氏曰脯脩處酒之左○一設食閒而古

人不苟如此客若降等執食興辭主人興辭於客然後客

嚴敬可想矣

坐食音嗣下同○興辭者不敢當盛禮也。以食為主。故獨執食。主人延客祭。祭食祭所

先進殺之序。徧祭之。延導之也。降等之客。未敢先祭。故主人導之。先祭食。次及殺。順所進殺之

先後而徧祭之。朱子曰。古人飲食。每種各出少許。置之豆間之地。以祭。先代始為飲食之人。不忘本也。祭酒於地。祭

食於豆間。有版。盛之。卒食徹去。三飯。主人延客食。載然後辯殺。飯上聲。辯音徧。○飯

食飯也。禮食三飯而告飽。每飯歡洽以殺濡醬而已。未食

載也。及主人勸客更食。客乃加飧。於是延客食。載後乃遂

徧食他。主人未辯。客不虛口。虛口者。食竟而歡。酒以蕩口也。主人未辯。殺則客不虛口。

待主人也。主人於客亦然可知。○侍食於長者。主人親饋。則拜而食。主人

不親饋。則不拜而食。長之丈反。○饋。進饌也。拜而食者。拜

也。其食不飽。其飯不澤手。飯上聲。○食。凡食也。飯。食食也。食求飽。則貪也。其飯而澤手。人

將惡之。古之毋搏飯。毋放飯。毋流歎。搏音團。搏飯之飯如飯者以手。字放飯之飯上聲。歎

昌悅反。○取飯坐團。貪也。放飯。大飯。流歆。長歆。皆無節也。毋咤食。毋齧骨。毋反魚肉。毋

投與狗骨。毋固獲。咤丑亞反。齧魚列反。○丹崖陳氏曰。咤。欲取之。毋咤食。毋齧骨。皆嫌不謹也。毋反魚肉。為慝已口。

人所穢也。毋投與狗骨。慮其相齧也。毋固獲。嫌貪也。思按。

毋投與狗骨。亦毋揚飯。飯黍毋以箸。箸音住。○揚散其熱。

氣。嫌欲食之急也。毋以箸以匙之便也。毋嚙羹。毋絮羹。毋刺齒。毋歆醢。客絮

羹。主人辭不能亨。客歆醢。主人辭以簋。刺七以反。亨音烹。

醢音海。簋音巨。○嚙。就器嚙食之也。絮。就器調和之也。刺。

齒。剔齒也。嚙羹。則失容。絮羹。歆醢。則貪味。刺齒。則人惡之。

辭不能烹。因客之自調也。辭以簋。謂不足於食也。蓋客有

厭淡之意。主人自不容已於遜謝。然以貪味之故。而使主

人不安。則非為客之道矣。○昔二程夫子幼嘗絮羹。母俟

夫人叱止之曰。幼求逞欲。長當奈何。噫。孰謂一食之微而

可自濡肉齒決。乾肉不齒決。毋啜炙。濡而朱反。乾音干。啜

肆歟。初怪反。○濡肉。烹煮

者也。乾肉。脯脩也。齒決。以齒齧斷也。乾肉難齧。故宜以手治之。一食盡。嚮曰。喂。毋喂。炙恐炙肉烙口。且嫌貪也。卒食。客自前跪。徹飯齊。以授相者。主人興辭於客。然後客坐。飯如字。齊。饌西反。相去聲。○自從也。前。席前也。齊。醬類。相謂佐食者。雲莊陳氏曰。飯齊皆主人所親饋。故客欲親徹此。亦謂降等之客耳。敵者不親徹也。愚按。飯齊。食之主。故先徹此二者。及主人興辭。則止矣。○侍飲於

長者。酒進則起。拜受於尊所。長者辭。少者反席而飲。長者

舉未酬。少者不敢飲。長之丈反。少去聲。下章同。酬。子妙反。酒禮。饋食禮。尊於房戶之間。燕禮大射禮。尊於兩楹之間。

益主人酌尊以獻。少者故少者起進而拜受於尊所也。舉

舉爵也。酌。飲盡爵也。少者反席就飲。又必待長者之酬而後敢飲也。○長者賜。少者賤者不

敢辭。辭而受者。賓主之禮。少賤○賜果於君前。其有核者

懷其核。不敢棄其核。敬君賜也。○御食於君。君賜餘。器之漑者不寫。

禮記章句 卷之一 曲禮上第一 五

其餘皆寫。

既音蓋。御食於君。佐君食也。餘。君食之餘也。既。洗滌也。寫。傾寫也。器之可漑者。如陶器木器。

則就本器食之。器之不可漑者。若荏苒所織之。○餽餘不

祭。父不祭子。夫不祭妻。餽音俊。○食尊者所食之餘曰餽。

祖考而後食之。若所賜出於己。食之餘。則是餽餘而已。故

不以祭。雖妻子所卑者。亦不以餽餘祭之也。論語君賜食。

必正席先嘗之。君賜腥。必熟而薦之。○御同於長者。雖貳

腥薦而食。不薦。卽所謂餽餘不祭也。○御同於長者。雖貳

不辭。偶坐不辭。長之丈反。○御同於長者。御於長者而同

者。共席而坐也。侍食不辭。饌偶坐不辭。席皆以其不爲己

設。非己所敢辭也。或曰。或侍食。或偶坐。有盛饌。皆不辭。亦

通。○羹之有菜者。用挾。其無菜者。不用挾。挾音類。○挾。箸

用挾。是噉羹也。無菜者直啜之。○爲天子削瓜者。副之。巾

而已。而用挾。是嫌其無所和也。

以絺爲國君者。華之。巾以綌。爲大夫累之。士寔之。庶人斲

之為去聲副音通反絺音癡華呼巴反裕音隙累力果反

半破也。裕粗葛布。累，儻同。去其皮也。寔，去其蒂也。齧，齧之

而已。孔氏曰：為天子削瓜者，刊其皮而析之，為四解，又橫

解，而以細葛巾覆之，以進。國君禮降，故破而不四析，亦橫

斷之，覆以粗葛巾。此等級不同，蓋公庭禮會之時，非平常

之日也。劉氏曰：大夫以上皆曰為者，有司為之也。士庶人不曰為者，自為之也。○父母有疾，冠者

不櫛，行不翔，言不惰，琴瑟不御，食肉不至，變味，飲酒不至

變貌，笑不至矧，怒不至詈，疾止復故。冠去聲，情如字，矧矢

又反。○櫛，理髮也。翔，行張拱也。情，戲慢也。齒見曰矧。詈，罵

也。不為容飾，不敢戲樂，食不能甘味，情不敢自如，皆憂親

疾故也。○有憂者，側席而坐；有喪者，專席而坐。能以有憂故，不

也。席，示不安也。呂氏曰：專，席不與人共席也。或曰：專，單也。亦通。○水潦降，不獻魚鼈。潦音

人共席也。或曰：專，單也。亦通。○水潦降，不獻魚鼈。潦音

水涸，魚鼈易得，不獻鳥者，佛其首，畜鳥則勿佛也。佛符勿

足貴也，故不獻。不獻鳥者，佛其首，畜鳥則勿佛也。佛符勿

豐已言可。卷之一 曲禮上第一 七

六反○鳥鴈之屬。佛。振也。振其首。防獻車馬者。執策綏。策。所以馭馬者。綏。挽以上車之索也。孔氏曰。車馬不上於堂。但執策綏呈之。則知有車馬矣。獻甲者。執胃。獻杖者。執末。孔氏曰。甲。鎧也。胃。兜鍪也。甲大胃小。小者。自獻民虜者。操右袂。民虜。征伐所虜獲也。人手。獻粟者。執右契。獻米者。操量鼓。同書一簡而析之。各執其一。曰契。蓋於廩人以要會。而右契遂執之以獻。有右契。則知獻粟。獻也。鼓。量器。斗斛之類。粟米皆重。故但執右契。量鼓以獻。獻熟食者。操醬齊。齊。胾。西反。○孔氏曰。醬。齊食之主。執以獻。獻田宅者。操書致。書致。書其數多寡而致之也。古者田宅。君或人君致邑於賢之類也。田宅。凡遺人弓者。張弓尙筋。非可致。故但書其數多寡以致之。弛弓尙角。右手執簫。左手承弣。尊卑垂幌。若主人拜。則客

還辟辟拜。

遺于貴反。附音拊。還音旋。辟音避。○遺同。列相問遺也。弓體內角外筋張弓則以筋向上。弛弓

則以角向上。皆順弓之勢也。執覆手執之。簾稍也。承仰手

承之。附弓中握手處也。人射以左手握附。故遺人亦以左

手承之。幌佩巾也。尊卑猶言俯仰。言俯仰之節稍磬折而

垂其幌也。主人將拜受而弓猶在客手。不便於答拜。故盤

旋然迴避以主人自受。由客之左。接下承附。鄉與客並然

避其拜也。○尊受卑獻。則使人受同。列相遺。故自受也。

後受。鄉去聲。○尊受卑獻。則使人受同。列相遺。故自受也。

鄉客亦如之。故主人當客之左。先承附者。簾在客之右手。

則附近主人。故主人先以左手接客手之下。而承其附。然

後覆右手以執簾。受弓之執法。仍如遺者之執法矣。此時

賓主皆南鄉而受弓也。方氏曰。賓主異等。則授受異鄉。此

賓主敵。故進劍者左首。進亦遺也。首劍拊環也。主人受由

鄉與客並。進劍者左首。客之左。故左首以便受。不以錡鄉

主人恐疑。進戈者前其鐔。後其刃。鐔在困反。○戈有枝兵。

於刺也。進戈者前其鐔。後其刃。鐔在困反。○戈有枝兵。

前鐔以授人。後刃以自。進矛戟者前其鏃。鏃音隊。○矛刺

鄉亦不以刃鄉人也。進矛戟者前其鏃。兵戟矛之有枝

豐記章句卷之一曲禮上第一

者。鐵。矛戟柄下平底也。不曰進几杖者。拂之。拭塵以效馬

效羊者。右牽之。效。陳獻也。馬羊。難牽。右手以力。效犬者。左牽之。犬善齧。故

防之手執禽者。左首。使。獵人。主人。飾。羔。鴈者。以續。續音會。卿贊羔。見而執以為禮者。故畫布。受珠玉者。以掬。兩手。承之。受弓劍者

以袂。以氣以服飾之。續畫也。飲玉爵者。弗揮。揮音輝。○揮。去餘。凡以弓。

劍。苞苴。簞筥。問人者。操以受命。如使之容。使去聲。○以葉。

藉物曰苴。竹器之圓者曰簞。方者曰筥。皆以盛問遺之物。

者也不親問而使入將之則使者於受命之時操持所遺

之物必習其威儀進退如○凡為君使者已受命君言不

宿於家。為使皆去聲。○為君使以君命使於四方也。君言

至則主人出拜君言之辱使者歸則必拜送於門外。使去聲。○

此又以始受命言之。以對使者言。故得稱主人。出。出門也。
辱。謂屈辱君命下臨也。使者又君所使傳命而命已爲使
之人也。雲莊陳氏曰。至則拜命。歸則拜送。皆敬君也。若使人於君所。則必朝服而命
之。使者反。則必下堂而受命。使者之使去聲。朝音潮。○此
朝服命使。下堂受命。皆敬君也。呂氏曰。使人於君所。不
下堂。反。則下堂受命者。始以己命往。終以君命歸。故也。○
博聞強識而讓。敦善行而不怠。謂之君子。強上聲。識音志。
猶力也。識記也。讓不敢自多也。敦篤也。博聞強識。致知之
事。敦善行。力行之事。博聞強識而承之以虛。敦於善行而
行之以健。君
子之道也。○君子不盡人之歡。不竭人之忠。以全交也。
歡。交好也。二者皆不浚求於人之意。○禮曰。君子抱孫不
不求多於人。則交全矣。君子之厚也。○禮曰。君子抱孫不
抱子。此言孫可以爲王父尸。子不可以爲父尸。爲君尸者。
大夫士見之。則下之。君知所以爲尸者。則自下之。尸必式。

乘必以几。稱禮曰者。蓋古禮經有是言也。王父祖也。尸祭以同姓而昭穆同者為之。孫之昭穆與祖同。子於父之父昭穆亦同。但使己子為父尸。則將以父而事子。故子不可以為父尸。祖孫則尊卑懸隔。而可無嫌矣。故曾子問篇云。尸必以孫。孫幼則使人抱之。是孫可以為王父尸也。蓋君子非必有抱孫。不抱子之事。而禮有抱孫。不抱子之文。故記者引而釋之。言所謂抱孫。不抱子者。據為尸而言。有使人抱孫。以為祖尸者。而必不使人抱己子。以為父尸也。凡為尸者。受命則齊宿。然散齊之日。或有他出。而大夫士遇之者。則大夫士下之。君於為尸者。或不能盡識。有告之而知其人。則亦下之。敬尸。即所以敬神也。君下尸。而尸不下耳。凡人廟有臣道。不敢與君抗禮。式之。示不敢安。○齊者不樂不弔。以齊側階反。樂如字。○朱子曰。齊之為言。齊也。所樂則散。哀則動。皆有害於齊。不○居喪之禮。毀瘠不形。視樂不弔。乃所以一其齊之志也。

聽不衰。升降不由阼階。出入不當門隧。

毀損瘠瘦也。形見骨也。居喪之禮三

日不食。杖而後能起。此皆毀瘠也。然毀不滅性。若過此則見骨而視聽衰矣。是無以送死而幾於滅性也。阼階東階也。門隧門之中道也。不由阼階不當門隧。父在則然。父死子當室。則由阼矣。然方居喪則猶不由阼階不當門隧。不忍遽死。○居喪之禮。頭有創則沐。身有瘍則浴。有疾則飲

酒食肉。疾止復初。不勝喪乃比於不慈。不孝。創平聲。瘍音

創。瘍皆瘡也。沐滌首去垢。浴澡身也。居喪不沐浴。不飲酒

食肉。有所不忍也。有創瘍則不得不沐浴。有疾則不得不

飲酒食肉。不如是則恐不能勝送死之事矣。然此一時之

權耳。若疾止則必復守居喪之正禮也。朱子曰。下不足以

傳後。故比於不慈。上不孝。五十不致毀。六十不毀。七十唯衰

足。以奉先。故比於不孝。麻在身。飲酒食肉處於內。衰七雷反。○致。盡也。人衰老則

也。○此章因上章毀瘠。○生與來日。死與往日。與猶數也。

不形之意而推言之。○生與來日。死與往日。成服杖。生

者之事也。數死之明日為三日。斂殯。死者之事也。從。○知

死日數之為三日。故三日成服者。乃死之第四日也。○知

生者弔。知死者傷。知生而不知死。弔而不傷。知死而不知

生。傷而不弔。

知謂素嘗與交。知其人也。弔所以恤生者。傷則哀死之情也。若今之有喪者。爲己所嘗知

交。而與其所喪之死者。初無相識。則弔之以恤生者耳。無哀死之情也。若死者爲己所知。交而於其生者。則未之交也。則哭之以盡哀死之心耳。不必有弔慰之禮也。蓋情必由中。而不欲僞爲於外。故如此。

○弔喪弗能

賻。不問其所費。問疾弗能遺。不問其所欲。見人弗能館。不

問其所舍。

賻音附。遺於貴反。○以貨財助喪曰賻。度其可賻而後言之。若問焉而不能有所助於人。則可

恥之甚矣。此亦脩辭立誠之一端也。

○賜人者不曰來取。與人者不問其所

欲。

賜。賜君子與小人。朱氏曰。君子有守。必將之以禮。故不曰來取。小人無厭。必節之以禮。故不問其所欲。愚按。

賜人而曰來取。是慢之也。問其所欲而後與之。則亦非與之正矣。此君子之不敢失言於人也。

○適墓不

登壟。助葬必執紼。

壟壟墳堆也。紼引棺之索也。不登壟。爲不敬也。必執紼。所以助也。臨喪不

笑為忘哀也揖人必違其位凡揖人必出位而揖之敬也望柩不歌入臨不

翔死在棺曰柩入臨入哭也當食不歎當食而食鄰有喪非歎時也鄰有喪

春不相里有殯不巷歌適墓不歌哭日不歌春詩容反相去聲○五家

為鄰二十五家為里相助也春者呼邪許以助春也入棺而櫛之曰殯巷歌歌於里門之巷中也鄰里有同哀樂之

義故鄰里有喪則不相杵不巷歌也送喪不由徑送葬不辟塗潦臨喪則

必有哀色執紼不笑辟音避○送喪即送葬不由徑不憚遠且徑非君子所由也塗泥濫潦水

溼也不辟塗臨樂不歎非歎所也介冑則有不可犯之色介冑兵

事尚威故君子戒慎不失色於人此所謂色兼容貌而言也懷以戒慎之心則可以至

於動容周旋中禮矣此句總結上文○國君撫式大夫下

章內多主喪事言慎終為尤重也○禮不下庶人先

禮記章句卷之一曲禮上第一

制禮暨士而止。庶人勞力不能盡責以禮也。然此亦謂威儀文節之詳非庶人所能盡耳。若乃典禮之大閑則未嘗不逮庶人也。庶人有冠昏喪祭刑不上大夫。有位者謂之君子。好禮者則假士禮行之。政治而爲民望故君之待臣必以禮。苟大夫有過亦以禮愧之。微示之改足矣。若得以刑辱之是損國體而何以立民望哉。後世大臣或被髡黥受廷杖宜在位者之寡廉鮮恥矣。然此亦謂鞭扑恥辱之薄刑耳。若罪之大而不容不刑者則周禮掌囚凡有爵者與王之同族奉而適甸師氏以待刑殺非盡廢刑也。但不刑於市而刑於甸師則猶爲隱刑人不在君側。刑餘之人當近也。周禮掌戮墨者使守門。劓者使守闕。宮者使守內。刑者使守圜。髡者使守積。蓋刑之非死則不可不有以用之以資其生。故隨其宜而使之守。要必有長以拘束之也。若人君出入警備則不惟不近之。亦不使之有以得近矣。惟宮者之守內或有疑焉。然守內要非宮者不可。周禮羣奄中惟內小臣上士四人掌王后之命出入前驅何遠春謂選其間有謹信端厚者命之而已。抑或有生而精氣閉藏如素問所謂天宦者選而用之不必皆刑人也。其餘有

罪受宮者其守內也。不過入酒人漿人寺人內監之列。與女奴奚婢共事。執灋掃。褻器之役而已。甯得使近君側歟。若乃吳子爲閹人所弑。唐奄執廢立之權。則後世近刑人之末失也。○兵車不式。武車綏旌。德車結旌。綏而追反。○兵車。革車也。前建干矛而無式。軍羽爲旌。車後所建者。綏旌。以示奮揚也。德車。謂乘車。祭祀朝會所乘。又事所以章德也。結旌。以旌纒繞於竿。示節制。斂戢之意也。史載筆。士載言。史。士。皆官名。載。載以從君於行也。方氏曰。載筆。將以書未然之事。載言。欲以閱已然之事也。○按周禮。內史掌書王命。外史掌書外令。御史掌贊書。皆史載筆之事。王制。太史執簡記。奉諱惡。是載言之事。然無所謂士者。或周禮太史所屬。有上士中士下士。職與太史同。因指之。前有水。則載青旌。孔氏曰。王行宜警備。故前有變。曰士。歟。前有水。則載青旌。異。則舉類示之。青旌者。青雀水鳥。前有塵埃。則載鳴鳶。埃。于皆反。鳶。於焉反。○鳶。鳴也。前有車騎。則載飛鴻。鴻。飛有行列如車騎也。○按騎。跨馬也。三代惟用馬以駕車。無跨馬者。騎射始於趙。

武靈王也。六韜以車騎步較論。此廣書耳。但星經於房心之南有車騎騎官諸星。則似由來已久。意車騎只猶言車馬。而不必為騎跨之義歟。抑或此記雜秦漢以後制言。而不盡三代之制歟。前有士師。則載虎皮。雲莊陳氏曰。虎威猛。亦士師之象。士師非所當警備者。而亦舉類以示。或禁止暴橫之意歟。愚按。周禮士師。王燕出入。則前驅而辟。諸侯為賓。則蹕於王宮。犬師禁逆軍旅者。與犯師禁者而戮之。則士師或因所犯而來施戮。則亦有所當。前有擊獸。則載貔貅。屬。魏音皮貅音休。○貔貅。豹警備也。前有擊獸。則載貔貅。屬。魏音皮貅音休。○貔貅。豹畫其形。俱不可考。但青旌。卽當是析青鳥之羽為旌。而行。鸞鴻可類推。旣曰載虎皮。則貔貅當亦是載其皮矣。而行。前朱雀。而後玄武。左青龍。而右白虎。招搖在上。急繕其怒。行戶。耶反。繕音善。○行行伍也。朱雀。南方七宿。鬼柳星張翼合體。有鳥形也。玄武。北方七宿。謂室壁也。青龍。東方七宿。角亢氏房心尾合體。為龍也。白虎。西方七宿。觜參伐合體。為虎也。招搖。北斗第七星之名。臨制四方者也。軍行法於天象。故前建朱雀。七旒。而畫鳥隼。曰旒。後建玄武。四旒。而畫龜蛇。曰旒。左建青龍。九旒。而畫交龍。曰旒。右建白虎。

六旒而畫熊虎曰旗。凡此以識三軍之目而定其部曲者也。中軍則建招搖以指令四方。司馬法所謂立首也。繕緝也。治之也。其怒。三軍奮怒之氣也。呂氏曰。急迫之也。繕言行而致其怒也。○此所載旗物與周禮仲秋治兵不同。蓋彼主於辨旂物之用。而因以進退有度。左右有局。各司其局。進退之度如牧誓所謂步伐止齊。周禮所立三表之法。是也。左右之局如孔明入陣。天地風雲之號。龍虎鳥蛇之變是也。各司其局如周禮伍兩卒旅師軍各有其長。以治其部曲。齊其進退也。禮君行師從。故於此備言之。○此章言人君出入之警。○父之讎弗與其戴天。兄弟之讎不備以及軍行之部曲。○父之讎弗與其戴天。兄弟之讎不反兵。交遊之讎不同國。弗與其戴天。必不與之俱生也。不遊之讎則不與共國而已。○呂氏曰。殺人之職是也。殺之而刑也。殺之而義則無罪。故令勿讎。調人之職是也。殺之而不義則殺者當死。宜告於有司而殺之。士師之職是也。二者皆無事乎復讎也。然復讎之文雜見於經傳。考其所以必其人勢盛。緩則不能執。故遇則殺之。不暇告有司歟。何遠春曰。殺人者死。國之大法。彼既殺人父兄矣。盍以王法

誅之。奈何使其子弟讎之也。然法有經權。情有故誤。殺人之父。可誅也。而魯執之殺徐達之。則不可誅也。殺人之兄。可誅也。如田橫之殺酈食其。則不可誅也。原情以定法。因法以求情。可也。若欲逞私忿。恣奸威。以屠戮無辜。則所謂不待教而誅者。又何原宥之有哉。聖人承衰亂之後。矜過誤而弛重辟之典。原人情而立復讎之法。慮之精而處之當矣。愚按。誤而殺人。父兄於律非死罪也。然在其子弟。則以爲不共戴天。可也。必求殺之。情可原矣。殺人而義者。如黃夜姦盜者。其家殺之。於律勿論。○四郊多壘。此卿大夫被殺者之子弟。其安可讎之乎。

之辱也。地廣大荒而不治。此亦士之辱也。

四郊。王者五十里。近郊。百里。遠

郊。侯國則隨其國之大小。爲遠近。壘。軍壁也。四郊多壘。以數被侵伐故也。卿大夫謀國。故引爲己辱。廣大。多曠土而不闢也。荒而不治。田荒蕪而不治也。人民離散。○臨喪不此非盡士之罪。而士與有責焉。故曰亦士之辱。○臨喪不情。喪事急遽。無怠情之容也。○祭服敝。則焚之。祭器敝。則埋之。龜策。祭則埋之。牲死。則埋之。筭音策。○龜。所以卜。筭。所以筮。牲。祭祀之犧牲也。呂氏曰。人所用則焚之。

從陽也。鬼神所用則埋之。從陰也。思按。焚之埋之。不敢褻也。○凡祭於公者。必自徹其

俎。徹直列反。○俎。所以盛牲肉者。凡助祭於君。必各有所

以歸。然此云。凡祭於公者。則是雖大夫以上。亦自徹之。○卒

哭。乃諱。禮不諱嫌名。二名不偏諱。喪禮既葬而虞。三虞而

哭。聲聞止也。諱。避死者之名。而不敢稱。周道然也。卒哭以

前。猶用事生之禮。既卒哭。則以神事之矣。故卒哭乃諱。嫌

名者。音同而字異。如虎之與濟也。二名。謂名有二字。則不

盡諱。如孔子之母名徵在。孔子言在不稱徵。言徵不稱在

也。逮事父母。則諱王父母。不逮事父母。則不諱王父母。莊

陳氏曰。逮。及也。言庶人父母早死。不聞父之諱。其君所無

私諱。大夫之所有。公諱。雲莊陳氏曰。私諱。不避於詩書不

諱。臨文不諱。雲莊陳氏曰。不因避諱而易詩書之文。改行

諱者不敢呼其名而言語應對之閒亦爲之避忌耳。周文王名昌而武王祭文王之詩曰克昌厥後是詩書初未嘗諱也。後世而臨文亦諱且并嫌名二名而諱之。諸廟中不矣。又古者卒哭乃諱。今且生而諱之又失之甚也。廟中不諱。雲莊陳氏曰。廟中之諱以卑避尊如夫人之諱。雖質君有事於高祖則不諱曾祖以下也。

之前臣不諱也。婦諱不出門。諱猶對也。門閨門也。大夫不

之諱止於閨門之內。一家之私如子婦之諱母亦然。凡婦人姑而已。大夫不諱夫人亦以婦諱不出門故也。大功小功

不諱。大功九月之服小功五月之服族屬疏矣故不諱。○入境而問禁入國而問

俗入門而問諱。馬氏曰問禁慮得罪於君也問俗慮得罪於衆也問諱慮得罪於主人也。○外

事以剛日內事以柔日。外事如征伐狩獵之類內事如祭祀昏冠之類以用也。剛日甲丙戊

庚壬也柔日乙丁巳辛癸也。凡卜筮日旬之外曰遠某日旬之內曰近

某日喪事先遠日吉事先近日。龜曰卜蓍曰筮凡用事擇日必稽之於卜筮聽於神

而不敢自專也。旬十日也。以今月下旬筮來月上旬之日。則主人告筮者曰。欲用遠某日。於旬初筮本旬內日。則告筮者曰。欲用近某日。喪事如葬日及二祥之祭之日。喪事卽遠。非孝子之心。故先遠日。欲少緩須臾。以盡其孝也。吉事冠昏祭祀也。祭以追養。冠昏嘉事。故先近日。人情所欲急也。○孔氏曰。祭事大夫用旬外。士用旬內。君有雜祭或用旬內。或曰爲日。假爾泰龜有常。假爾泰筮有常。卜筮不

過三。卜筮不相襲。

爲去聲。假音格。又如字。○曰。筮人之命辭也。爲日。爲問吉日也。假。來也。至也。或

曰。因也。託也。卜則命龜。筮則命蓍。泰。尊之之辭。有常。言其無私而吉凶可憑也。卜筮不過三。一卜再卜。至三而終。不吉則止而不行。過三則瀆矣。不相襲者。卜不吉則止。不重以筮。筮不吉則已。不重以卜也。此蓋主卜日爲言。若決大疑。舉大事。則亦卜筮並用。如洪範所云。龜從筮從。或龜從筮逆之類。可見。龜爲卜。筮爲筮。卜筮者。先聖王之所以使民信時日。敬鬼神。畏法令也。所以使民決嫌疑。定猶與也。故曰。疑而筮之。則弗非也。日而行事。

則必踐之。

與去聲。踐舊音善。今依疏王氏讀如字。○筴著

言先王之作爲卜筮所以使民踐時日之信。凜鬼神之命。

畏法台之施而不敢背也。是非之疑似則以卜筮決之。作

止之猶豫則以卜筮定之。蓋鬼神無爲無所私繫而卜筮

所以傳鬼神之命故時日而稽之卜筮則人共信爲可憑

而不敢不信矣。法令而稽之卜筮則人共凜爲當奉而不

敢不行矣。皆所以敬事鬼神而示民無私己耳。是故眾有

所疑而決之以卜筮則民弗敢復疑其非。○君車將駕則

也。定時日以行事則民皆信而必踐之。

僕執策立於馬前。

駕車本校人僕夫之職而僕已駕僕展

輪效駕。

輪音零。○展猶視也。輪車轆頭也。效白也。駕車已

出轉故特

奮衣由右。上取貳綏跪乘。

上時掌反。○車上之

詳視之。○僕既效駕出則於車後奮振其衣。由右而上。避君

右在右。僕既效駕出則於車後奮振其衣。由右而上。避君

之左位也。車有二綏。君升則挽正綏僕及車右之升也。則

挽副綏。貳綏卽副綏也。僕挽貳綏以執策分轡驅之。五步

上跪而乘之。將以試御也。跪示敬也。執策分轡驅之。五步

而立車駕四馬。夾轅曰服。服外曰驂。四馬則八轡。而兩驂而內轡別繫於軾前。惟六轡在手。御法左手并執六轡。而以右手執策。今君未出而僕先試御。則既以右手執策。又分六轡。左右各三執之。遂驅行之。五步而止。乃倚立以待君之出也。君出就車。則僕并轡授綬。左右攘辟。辟音避。○君左手三轡并於執策之手。而以左手取正綬授君。君挽綬升車。則車將行。故左右侍從之人。皆攘卻於旁。以避車行也。車驅而騶至於大門。君撫僕之手而願命車右就車。門閭溝渠必步。騶音趨。○騶行也。大門庫門。撫僕之手。止其命車右就車也。車右為君防飭非常者。君過閭門必式。故車右下步。車行溝渠多險。故車右亦下步以扶持之也。僕不下者。僕不可下也。○凡僕人之禮。必授人綬。若僕者降等。則授不然而否。上章言為君僕之禮。此章又廣言之。必授人綬者。僕之禮也。有受有不受者。主人之禮。貴賤之宜也。凡禮者自卑而尊人者也。若僕者降等。則撫僕之手。不然。則自下拘之。

拘音鉤。○撫僕之手。受綬法也。循其手而執之也。敵者不敢受。而僕卒授之。則承其手之下而鉤取之。猶不受之意也。

○客車不入大門。婦人不立乘。犬馬不上於堂。

凡賓客之車至

大門而止。蓋主人迎客於大門之外。故客至大門則下車。敬主人也。婦人質弱。不耐久立。故乘安車。宜也。犬馬陳於

庭而已。不上於堂。賤也。

○故君子式黃髮。下卿位。入國不馳。入里必

式。黃髮。老人髮白而有黃色也。卿位。會朝之時。卿所立之位也。王之外朝。左九棘之下。九卿位焉。人君出。則過卿

位而後升車。入。則未至卿位而下車。式黃髮。敬老。下卿位。敬大臣也。入國不馳。恐傷人也。入里必式。恐里中有賢者

在也。孟子曰。天下有達尊三。爵一。齒一。德一。○君命召。雖

賤人。大夫士必自御之。

御如字。又音迓。○君命大夫士使有所召。則所召之人雖賤。大夫士

亦必自爲之御。敬君命也。雲莊陳氏曰。御迎也。自迎之以敬君也。亦通。

○介者不拜。爲其拜

而褻拜。

爲去聲。褻子卧反。○朱子曰。褻。猶言有所枝拄。不利屈伸也。

○祥車曠左。

祥車。葬時

所用以迎魂者。卽生時所乘之車也。葬皆凶禮。而乘君之此車。獨用吉。故曰祥車。曠空也。虛左位以擬魂也。乘君之乘車。不敢曠左。左必式。乘車之乘去聲。○王之乘車五路。

諸侯三路。亦自乘其一。而以二副也。乘君之乘車爲君副車也。不敢曠左者。恐疑於祥車也。左爲君位。乘者旣居左。

位。則又不敢當尊。故必俯式以示不安之意也。○僕御婦人。則進左手。後右手。凡

者居左。御者居中。婦人在左。故御者左手稍前。右手稍後。其身微背婦人。以致別也。御國君。則進右

手。後左手而俯。進右手。後左手。以嚮。○國君不乘奇車。先

車路。各有制度。不可以奇。○車上不廣欬。不妄指。又呼戒反。

○廣犬也。欬。嗽聲。或曰笑也。立視五雉。式視馬尾。顧不過

廣。欬。妄指。皆失容且惑人。立視五雉。式視馬尾。顧不過

轂。高音。攜轂音穀。○攜。規也。謂車輪轉一市也。乘車之制。尺。八尺爲步。凡十二步有三尺。立車上而衡視。則以五規

爲節。憑式而俯視。則以馬尾爲節。顧。回視也。轂。車輪之中。

外持輻內受軸者也。旁顧則不過轂。國中以策彗卹勿驅。

塵不出軌。彗音遂。卹蘇沒反。勿音沒。○朱子曰。策彗。策之

車轍迹也。蓋入國不馳。故御者但以策末之彗。輕○國君

拂其馬使之緩行也。車行塵起。行緩故塵不出軌。○國君

下齊牛。式宗廟。大夫士下公門。式路馬。齊側皆反。又音咨。

云下宗廟。式齊牛。○齊牛。在縣之牛也。所以爲牲者。或曰

齊。秦盛也。下宗廟。式齊牛。敬鬼神也。下公門。式路馬。敬君

也。○乘路馬。必朝服。載鞭策。不敢授綏。左必式。朝音潮。君所

以駕路車者。臣或有事而乘之。則必衣朝服。雖載鞭策而

不敢用。僕者亦不敢授之以綏。乘者在左。則必俯式。皆敬

君物也。舊說以此爲人步路馬。必中道。以足蹙路馬。獨有

臣習儀之事。未知是否。步路馬者。牽行以節其勞逸。且調習之也。

誅齒路馬有誅。步路馬者。牽行以節其勞逸。且調習之也。

馬齒。許量年歲也。驗馬之年力者。必以齒誅。罰

也。有誅者。謂其不敬耳。非必真降以刑罰也。

曲禮下第二凡四十
五章

凡奉者當心提者當帶奉音捧○奉提皆有所執持執天

子之器則上衡國君則平衡大夫則綏之士則提之上時

綏音妥○衡平也所謂當心也上衡當心而稍上也平衡

手與心齊也綏墮也當心而稍下也提當帶也此因主之

尊卑而為凡執主器執輕如不克執主器操幣圭璧則尙

左手行不舉足車輪曳踵事人者其所事之人主也克勝

也當也執主器執輕如不克敬謹之至也幣貨貝皮帛之

類圭瑞玉璧享玉皆所以朝聘者主器概言之幣圭璧又

其重者也尙左手左手在上尊陽也踵足跟也執主器而

行轉不離於地立則磬折垂佩主佩倚則臣佩垂主佩垂

皆敬謹之至也立則磬折垂佩主佩倚則臣佩垂主佩垂

則臣佩委磬形句折立而前俯如磬之形故曰磬折執主

器而立則磬折而垂其佩玉然又視主之俯仰

豐己章句 卷之一 曲禮下第二 后

以爲節。主少俯而佩倚於身。則臣前俯而佩垂於外。若主前俯而佩垂於外。則臣益俯而佩委於地。蓋使人執器操幣圭璧。必有所往。方始之受命。及至彼將事。皆有立執玉時。其容如此。在彼主人。亦可謂之主。而外臣亦臣也。

其有藉者則裼。無藉者則襲。裼音錫。因上文操幣圭璧而有藉者。謂璧以享君。琮以享夫人。享禮皆束帛而加璧琮。是有藉也。無藉者。謂圭以聘君。璋以聘夫人。特達以通信。而無束帛。是無藉也。見裘曰裼。掩裘曰襲。享禮尙文。故賓主皆裼。以將事。所謂裘之裼。見美也。圭璋特達。貴於存誠。故襲。所謂襲。充美也。雲莊陳氏曰。先儒以執圭而垂纁。爲有藉。執圭而曲纁。爲無藉。今詳記文。裼襲是一事。垂纁曲纁。別是一事。不容混合爲一。○裼襲之說。先儒謂古人近體有澤衣。其外有裘。夏月則葛。裘葛上有裼衣。裼衣上有襲衣。襲衣上有弁服。深衣之屬。掩而不開。則謂之襲。開而見其裼衣。則謂之裼。古制今難盡考。然如此說。則裘外有裼衣。又有弁服。襲衣。但見其裼衣。則曰裼。掩之則曰襲。是襲裼皆主衣言耳。見其裼衣。非見裘也。記何以曰裘之裼。見美哉。且裼衣順裘色。若裼衣外又有襲衣。則無取乎順裘色可矣。竊意裘外便是襲衣。襲衣外加弁服。無所謂裼。

衣者。襲衣。卽中衣。制如深衣。卽所謂素衣也。裼者。表。剔於外之義。若弁服之類。正所以裼裘也。故羔裘於朝。而朝服緇衣。鹿裘以聘。而皮弁素衣。狐裘息民。而黃冠黃衣。是則衣以裼裘。欲其相稱。裼衣卽弁服之類明矣。古者禮服皆方袷。非如後世盤領。惟中衣領可交掩。然則襲裼云者。惟交掩其中衣之領。則裘不見。而曰襲。不交掩其中衣之領。則裘可見。而曰裼。○國君不名卿老世婦。大夫不名世臣。襲裼皆主裘言矣。

姪娣。士不名家相長妾。相去聲。長之丈反。○不名。不以名寡君之老是也。世婦。夫人所同嫁之二媵也。大夫之世臣。謂其父所遺之家臣也。姪娣。大夫妻之媵也。家相。相治家事者。長妾。妾之長者。也。皆不名之。敬之也。○君大夫之子。不敢自稱曰余小子。大夫士之子。不敢自稱曰嗣子某。不敢與世子同名。夫子未除喪曰余。小子。故諸侯大夫之子。不敢以此自稱。避嗣天子之辭也。大夫士無嗣世之義。不敢自稱嗣子某。避嗣君之辭也。呂氏曰。世子。君之適子也。臣之子。不敢與同名。亦避君也。若名在世子之前。則亦不避。○上章。上之敬下也。此

章。下之敬上也。

○君使士射。不能。則辭以疾。言曰某有負薪之憂。

射者。男子之事。六藝之一也。故不能。則託於疾。言曰辭疾之言也。負薪之憂。言病不能負薪。謙辭也。○人固有能有不能。何至必託言疾。此大可商。

意亦甚。言士之不可不習射耳。○侍於君子。不願望而對。

非禮也。

饒氏曰。願。願自己望。望君。子應氏曰。察言觀色之意。

○君子行禮。不求變俗。

祭祀之禮。居喪之服。哭泣之位。皆如其國之故。謹脩其法。

而審行之。

喪祭異俗。如山國康鹿澤國魚鼈。葛經。蘇經。魯合衛離之類。在所可從者也。此卽禮從宜使從俗之意。然曰謹脩其法而審行之。則其行之也。亦非苟同矣。

去國三世。爵祿有列於朝。

出入有詔於國。若兄弟宗族猶存。則反告於宗後。去國三

世。爵祿無列於朝。出入無詔於國。唯興之日。從新國之法。

朝音潮。○去國雖及三世。而本族猶有爵祿。已之出入。仍詔告於本國之君。及兄弟宗族猶存。是去國而未絕者。則

凡冠昏死喪皆反告於本宗之爲後者謂宗子也其守舊國之法而不從新國之俗可知若去國而已絕者則唯其仕於新國之日遂從新國之法可也與之日而後從則未仕者亦猶當守舊俗矣此節所以足上節之意○君

子已孤不更名

更平聲○更改也名者父之

已孤暴貴不

爲父作諡

爲音僞○暴貴驟貴也以諡易名貴者之禮也父賤而子驟貴則父亦當有諡不爲父作諡不

敢以己之貴加於父且諡父以非禮也蓋父之尊於天秩不以人爵子得於己之祿養親而不得於己之爵秩加親朝廷之爵諡以功德不以私恩可聽人子自遂其尊養之情而不可以無故濫被朝廷之名器後世以人子之爵賤贈其祖父於人子則欲尊親而實卑之於朝廷則以天職之重爲人子私恩之報兩失之矣周人追王之典雖私亦公非後世所可同年語也○居喪未葬讀喪禮既葬讀祭禮喪復常

讀樂章居喪不言樂祭事不言凶公庭不言婦女

讀喪禮祭禮欲

考而行之以免失也喪復常除服之後也服除則可讀樂章矣若居喪而言樂則忘哀也祭事而言凶則忘敬也公

庭而言婦

女則喪也。○振書端書於君前，有誅，倒筴側聽於君前，有

誅。

振，去塵也。端，整頓也。奉書者至君前而始振，整是不預也。卜筮者於君前而倒筴側聽，是慢也。皆不敬也。

○

龜筴几杖席蓋重素衫絺綌，不入公門。

重，平聲。○龜筴，不入公門。蓋，卜筮自

有卜筮之所。人神不相雜也。蓋，雨具。几杖席蓋皆自安之具。重素未詳。衫，單也。絺綌，則見體故皆不敢以入公門。

苞屨扱衽厭冠，不入公門。

苞，白表反。扱，音插。厭，於涉反。○

衽也。親始死，扱衽於帶間，所以便踊。亦喪事也。厭冠，冠形厭然，喪冠也。

書方衰凶器，不以告

不入公門。

衰，七雷反。○方，版也。條，錄送死之物於版曰書方。衰，喪服凶器。凡兵喪之器也。此皆不入公門。

然或公宮有所用之，則以告而後入。

○公事不私議，不得議於私家也。○君

子將營宮室，宗廟爲先，廡庫爲次，居室爲後。

君子有位之通稱。先宗廟

急孝思也。次廡庫，先備物也。祖廟未安，君子有不忍求安其身者，故先後之序如此。

凡家造祭器爲

先犧賦爲次養器爲後

家大夫之家也。造作器也。先祭器。猶宗廟也。犧賦。謂犧牲之用。次犧

賦。猶廐庫也。後養器。猶居室也。上節主宮室言。此節主器

用言也。孔氏曰。諸侯大夫少牢。此言犧牛也。天子之大夫

祭祀賦斂邑民供出犧牛。故曰犧賦。雲莊陳氏曰。犧賦亦

曰作者。如周禮牛人供牛牲之互與盆簋之類也。愚按。春

秋傳雞自斷其尾曰懼爲犧。則無田祿者。不設祭器。有田

少牢以下。亦可曰犧。不必牛也。無田祿者。不設祭器。爲宮

祿者。先爲祭服。君子雖貧。不粥祭器。雖寒。不衣祭服。爲宮

室。不斬於丘木。
粥音育。衣去聲。○上無田則薦。故不設祭

必先爲祭服也。粥賣也。丘墓也。丹崖陳氏曰。君子

子盜忍其身之困。而不忍慢其先。孝敬之至也。○大夫士

去國。祭器不踰竟。大夫寓祭器於大夫。士寓祭器於士。境

同。○呂氏曰。臣之所以有宗廟祭器。以事其先者。君之祿

也。今去位。乃挈器以行。是竊君祿以辱先。故祭器不踰竟

也。寓寄於爵等之。○大夫士去國。踰竟爲壇位。鄉國而哭。

素衣素裳素冠徹緣鞮屨素蕤乘髦馬不蚤髻不祭食不

說人以無罪婦人不當御三月而復服

竟境同壇當作墀音善鄉去聲徹直

列反緣去聲鞮音低蕤莫厯反蚤音爪髻音翦說如字又音脫復扶又反○為壇位除地為位也徹緣去衣之緣飾也鞮屨革屨也蕤車上以覆軾者素蕤以白狗皮為蕤也

髦馬馬毛鬣不剔治也蚤治手足甲髻剔鬚鬢不祭食每食不祭也不說人以無罪不以己之無罪白人也御御寢也去國之禮如此所以致其哀不忍忘鄉國宗廟墳墓而

隳先人之祀故也三月一時也○大夫士見於國君君若勞也閱一時而復常禮之節也

之則還辟再拜稽首見音現勞去聲還音旋辟音避下同稽上聲○見謂凡有他出而反見也

勞慰勞也還辟不敢當也君若迎拜則還辟不敢答拜迎拜也再拜稽首答君勞也

於大門之外拜賓之禮也還辟不答拜不敢抗君也○此章先儒主聘禮言則君指所聘之國之主君也然上文泛言見於國君則以為聘禮亦無明據且曰君若迎拜則迎拜自非禮之常矣古者人君尊禮其臣或自遠歸亦不無

拜迎之事。不必泥聘禮也。大夫士相見。雖貴賤不敵。主人敬客。則先拜。

客。客敬主人。則先拜主人。丹崖陳氏曰。貴謂大夫。賤謂士。朋友之交。先施之而已。凡

非弔喪。非見國君。無不答拜者。士喪禮。有賓則拜之。賓不答拜。所以變於凡爲賓主

也。臣見於君。而君或拜之。則還辟。不敢答拜也。外此無不答拜者。大夫見於國君。國君拜

其辱。士見於大夫。大夫拜其辱。同國始相見。主人拜其辱。

見音現。相見如字。○拜其辱。尊賢而忘勢也。然此亦始爲

大夫。或他有故而見耳。非朝見之禮也。同國始相見。主人

拜其辱。拜其先施也。言君大夫拜辱。而不言大夫士之答

拜與否者。還辟不答拜。已見於上文也。士與見於君。或不

答拜。觀大夫士相見。節可見。君於士。不答拜也。非其臣則

答拜之。大夫於其臣。雖賤必答拜之。君於大夫答拜。於士

也。於本國之士。不答。於他國之士。則答拜之。待客之禮也。

然士相見。禮。士見君。君亦答拜。但非其常耳。大夫則於其

曲禮下第二

三

臣雖賤必答拜之。男女相答拜也。男女近嫌然拜必相答不敢以君自擬也。男女相答拜也。不以嫌而廢也。此皆申非弔喪非見國君無不答拜之語。○此章皆言拜答之節然於上見其謙光於下見其卑牧於同列見其先施所謂上下之閒各盡其道者亦可見矣。○國君春田不圍澤大夫不掩羣士不

取麇卵。麇音迷。○麇鹿子也。皆撙節愛養之意。○歲凶方氏曰。用大者取愈廣位卑者禁愈嚴也。○歲凶

年穀不登君膳不祭肺馬不食穀馳道不除祭事不縣大

夫不食梁士飲酒不樂。縣音玄。○殺牲爲膳則祭先肺不祭肺不殺牲供膳也。馳道君行之

甬道不除不去草也不縣。徹鐘磬之縣也。祭且不縣則君不舉樂可知。梁美穀也不樂不御琴瑟也。皆以歲凶而殷

憂減損之事也。○君無故玉不去身大夫無故不徹縣士無故不

徹琴瑟。徹直列反。縣音玄。○樂以養心故無故不去故謂凶喪災疾之類。○士有獻於國

君他日君問之曰安取彼再拜稽首而後對。凡稽首之稽上聲後倣此

○安取彼言何所而得彼物也。○大夫私行出疆必請反。必有獻。士私行

出疆必請反。必告君勞之。則拜。問其行。拜而後對。反告工毒

聲。○私行以己之私而行也。出必請反。必告。猶子之事親

也。大夫有獻而士否。貴賤之等異也。前章君勞之則還辟

而後拜。蓋以君事出者不敢自以爲勞。故避君之勞已也。此章君勞之則拜者以私出故拜君之勞已也。問其行拜

而後對。拜君之辱問也。○國君去其國止之曰奈何去社稷也。大夫

曰奈何去宗廟也。士曰奈何去墳墓也。國君死社稷。大夫

死眾。士死制。社。土神。稷。穀神。有國則必立社稷。君主其祀

亡與亡也。大夫有宗廟。止大夫之去者曰奈何去宗廟。動

之以其私也。大夫死眾。師敗則死之。死必爲國也。士死制

守君之法也。○君天下曰天子。朝諸侯分職授政任功曰予一

人也。繼天而出治。故曰天子。職官職。政事。任責。踐阼臨祭

也。功事之功也。曰予一人。泣眾之辭然也。

豐記章句 卷之一 曲禮下第二 三

祀。內事曰孝王某。外事曰嗣王某。作。東階踐阼。祭祀之位也。內事。享宗廟。外事。祭

祀神祇也。孝以事先言。嗣以繼事言。皆祝辭所稱。某其名也。臨諸侯。眡於鬼神。曰有天

王某甫。

巡狩而朝諸侯於方嶽。則必望秩於山川。祝稱字致辭曰。有天王某甫。眡田閒道也。方氏曰。望秩必

於野外。祭於眡。故謂之眡。猶祭於郊。而謂之郊也。天子適諸侯。非其常。蓋有時矣。故於是時言有焉。天王臨下之辭。

甫者。男子之美稱。某甫。字也。

崩。曰天王崩。復曰天子復矣。告喪曰天王

登假。措之廟立之主曰帝。

假希家反。○崩自上而墜下也。天王崩。史冊書辭也。始死而以

衣招魂曰復。天子復矣。復者號呼之辭也。告喪計於諸侯也。假遐通。登還言其魂升於高遠。措置也。主神主也。始死

爲重以依神。既虞而立之主。周人羣廟皆只稱王。此稱帝者。呂氏曰。疑夏殷附廟稱帝。至周有諡而始不稱帝。故

天子未除喪曰予小子。生名之死亦名之。

予小子。未除喪之自稱也。天子

不名。未除喪則猶人子。故猶以名稱。若康王曰。惟予一人釗。報告之類。未除喪而死。爲未成君。其復及報喪亦皆名

之。若春秋書王子猛卒是也。但湯曰：子小子履。泰誓：武王稱小子發。皆不必為未除喪之稱。記者亦略撮其概云爾。

○天子有后。有夫人。有世婦。有嬪。有妻。有妾。后。天子之妃也。天子三夫人。九嬪。二十七世婦。八十一御妻。有嬪二字。當在有世婦之上。有妾二字。疑衍。不則女酒女漿之類。皆可謂之妾。此一節。畢言。

天子之內官。○天子建天官。先六犬。曰犬宰。犬宗。犬史。犬

祝。犬士。犬卜。典司六典。大音泰。○此下言王朝之官制也。官曰天官者。天工人代。統六太五

官六府六工皆是也。太宰。冢宰。掌邦治。太宗。宗伯。掌邦禮。太史。掌國之典故及時日正朔。太祝。掌祭祀祝嘏。太士。無

考。太卜。掌三筮三典。司猶主司也。典。法也。六者皆治政事神大法之所存。故天子之建官。以此六太為先務也。太史。太

祝。太卜。周禮皆隸於宗伯。天子之五官。曰司徒。司馬。司空。司士。司寇。典

司五眾。五官。猶五司也。司徒。掌邦教。司馬。掌邦政。司空。掌邦土。司士。掌以德詔爵以功詔祿。司寇。掌邦禁。五

眾。五司之屬官也。五者皆治人之事也。司土。周禮隸司馬。天子之六府。曰司土。司木。司

水司草司器司貨典司六職藏貨財曰府司土而稅之也司

木若山虞林衡之類司水若澤虞川師之類司草若掌葛

掌荼之類司器司貨如太府玉府內外府之類水土非待

於藏而亦曰府者猶虞書以天子之六工曰土工金工石

工木工獸工草工典制六材土工搏埴之工金工攻金之

之工獸工攻皮之工草工疑設色之工也制治也材用也

○此章所記與周官不合蓋記者雜錄所聞難據之以為

何王之制也姑存五官致貢曰享致至之也貢下之供上

之以備考己耳也享獻也以所貢獻之

也此句承上以起下蓋五官飭內治而聯諸侯以來致諸

侯之方貢而享於天子也周書曰六卿分職各率其屬以

牧九倡五官之長曰伯是職方其擯於天子也曰天子之吏

天子同姓謂之伯父異姓謂之伯舅自稱於諸侯曰天子

之老於外曰公於其國曰君長之丈反○此以下推之侯

國言之周禮九命作伯此言

於五官之中又立其長爲伯。於是主其方侯國之治也。摯
接賓者。摯於天子。謂爲天子摯。以接其方國之侯也。舜典
曰。賓於四門。天子之吏於摯時。之自稱也。伯父伯舅。天子
之尊稱。此伯也。非摯於天子時。而對諸侯有言。則自稱天
子之老。非其采邑之臣民則稱之曰公。以爵稱也。其采邑
之臣民則稱之曰君。君主也。○按此言五官之長曰伯。而
未言爲伯者幾人。在唐虞則自有四岳爲諸侯之長。曰伯。而
官也。夏殷制不可考。周則二伯分陝。此章又未必果據周
禮也。又春秋傳。襄王稱齊桓曰伯舅。國語又稱九州之長
晉文曰叔父。則伯叔之稱亦不拘拘於伯牧也。九州之長
入天子之國曰牧。天子同姓謂之叔父。異姓謂之叔舅。於
外曰侯。於其國曰君。長之文反。○禹貢九州。冀。兗。青。徐。揚。荆。豫。梁。雍。爾雅九州。冀。豫。雍。幽。營。揚。兗。荆。徐。周禮職方九州。揚。荆。豫。青。兗。雍。幽。冀。并也。天子於九州中又各立諸侯之賢者以爲一州之長。則謂之牧。周
禮八命作牧。其爵則仍侯爵也。其在東夷北狄西戎南蠻雖大曰子。於內
自稱曰不穀。於外自稱曰王老。此又廣之四裔言之。國雖大。不過子爵。於蠻貊卑遠

之也。內其國內也。不穀猶不善。謙辭也。自稱王。庶方小侯。老蓋為蠻貊之長。而對其所服從之國言也。

入天子之國曰某人。於外曰子。自稱曰孤。庶方。四裔之方。小侯。猶言小國。

某人。如庸蜀羌髳微盧彭濮人之類。不稱爵。微之也。孤亦謙辭。○按此亦言其概耳。中國附庸未命亦稱人。四裔之

國有爵者自以爵稱。曰不穀。○天子當依而立。諸侯北面曰孤。中國亦通以自稱也。

而見天子曰覲。天子當亡而立。諸公東面。諸侯西面曰朝。

依上聲。見賢徧反。亡珍呂反。朝音潮。○此章言朝覲聘會之交也。依斧戾為屏。高八尺。絳質而繡。以黼文。設於堂上。

戶牖之間。天子南面立。而負之者也。亡門屏之閒。人君立之處也。禮天子外屏。諸侯內屏。則諸侯之亡在門屏之

閒。天子所亡以臨視朝政。不應以屏自蔽。要亦當在屏外。敷蓋天子三朝。一曰燕朝。在路門之內。王國宗人嘉事之

朝也。一曰治朝。在路門之外。王日聽治之朝也。一曰外朝。在庫門之外。詢萬民聽政之朝也。每門之外。要各有屏。天

子視朝。則負屏而立。與負依同。但其在廟堂戶牖之閒。則是負依。在朝立門屏之外。則曰當亡也。周禮春見曰朝。夏

見曰宗。秋見曰覲。冬見曰遇。鄭氏曰：春朝受贄於朝，受享於廟。秋覲，一受之於廟。按此則覲禮在廟受贄，故天子負絃而諸侯北面以見天子。朝禮受贄於朝，故天子當左而諸公東面，諸侯西面也。又按外朝之位，孤卿大夫位於左，九棘之下，公侯伯子男位於右，九棘之下，西左東右。則是王朝之官東面，而諸侯來朝者西面也。若三公則特位三槐之下。此所云諸公未知其爲王朝三公。抑諸侯未及期外諸侯之公爵者，要之亦未必盡合周制云。相見曰遇，相見於卻地曰會。卻音隙。○不期而會曰遇，遇禮簡。卻，隙同。期，約而相見曰聘。會，諸侯使大夫問於諸侯曰聘。聘，比年小聘，三年大聘，使卿。○禮詳。按此二節，專以諸侯相會遇聘問言其實。諸侯亦有相朝，諸侯於天子亦有會同聘眺之禮也。約信曰誓，涖牲曰盟。約信，要約爲信也。涖，臨也。掘地爲坎，殺牲坎上，割左耳盛以珠盤，取血盛於玉敦，以血爲盟書。乃歃血讀書，遂置牲坎中，加書牲上埋之。此盟禮也。周禮司盟掌其事，誓禮無考。檀弓曰：殷人作誓，意殷有其禮歟。

○諸侯見天子曰臣某侯某，其與民言自稱曰寡人，其在

凶服曰適子孤。適丁歷反。○上某某國。下某某名也。下放

人。不獨與民言。凶服喪服。適子孤。擯者告賓之辭也。此章言侯國之稱謂。臨祭祀。內事曰孝子

某侯某。外事曰曾孫某侯某。死曰薨。復曰某甫復矣。外事

孫。以承祖宗統此土也。武成曰。有道曾孫周王發。詩甫田曰。曾孫之稼。薨猶昏也。某甫。字也。然諸侯之字。經傳罕見。

若春秋傳稱父宋父之既葬。見天子曰類見。言謚曰類。呂

曰。繼先君之德。乃得受國而見天子。故曰類見。謀先君之

善。而請謚於天子。故亦曰類。愚按此節。語句難以強解。姑

取呂說。又諸侯繼世。當免喪而後見。諸侯使人使於諸侯

天子。此云既葬見天子。亦必非周制。諸侯使人使於諸侯

使者自稱曰寡君之老。使於使者之使皆去聲。○上大夫

名。擯者曰。○天子穆穆。諸侯皇皇。大夫濟濟。士蹇蹇。庶人

焦焦。濟子禮反。蹇七羊反。焦子妙反。○穆穆。深遠之意。皇

皇。著盛貌。濟濟。齊一也。蹇蹇。敏而有節也。焦焦。趨事

急遽之意。上下之容。各有所宜如此。○天子之妃曰后。諸侯曰夫人。大夫曰

孺人。士曰婦人。庶人曰妻。妃配也。后亦君也。天下之母君也。夏殷但曰妃。至周而有后稱。

夫。扶也。謂助君以成內治也。孺。公侯有夫人。有世婦。有妻。

有妾。世婦。夫人之二媵也。其妻蓋二國來媵者。妾又來媵妻之媵也。夫人自稱於天子曰

老婦。老婦云者。猶其曰天子之老云也。自稱於諸侯曰寡

小君。小君。猶言女君。以對諸侯大君言也。○按小君非自稱之宜。論語曰。稱諸異邦曰寡小君。蓋使者之辭也。

而此云焉者。意夫人使人於他邦。及他邦來聘於夫人。則

擯使之稱其夫人如此耳。然則上節亦非必夫人自稱於

天子。而或因事命使以自稱於其君曰小童。自世婦而下

自稱曰婢子。小童。少不更事。亦謙辭。但小童之稱。罕見經傳。而論語亦云。然意者古禮之遺文也。然秦穆公夫人亦自稱婢子。於父母。則自名也。凡人子於父母

子。則不拘世婦以下。子於父母。則自名也。之前皆自稱名。

此則主女子子而言。以女子之名不出門外。然於父母則亦自稱名也。○此章言諸侯之內官。而因及婦人之稱謂。

○列國之大夫入天子之國曰某士。自稱曰陪臣某於外。

曰子。於其國曰寡君之老。使者自稱曰某。使去聲。○列國

之士同三命。次國再命。小國之卿不命。故列國之大夫入

天子之國。擯者稱曰某國之士某也。陪重也。其臣之臣也。

公侯之大夫。在國得稱子。其稱諸他國亦曰子。如季子高

子之類是也。次國之大夫則否。寡君之老。其對臣民之自

稱也。其使於他國而對他國之君言。則○天子不言出諸

侯不生名。君子不親惡。諸侯失地名。滅同姓名。王者無外。故天子無

所謂出也。春秋書天王出居於鄭。示譏也。諸侯卒則書名。

在生則不名。貴之也。然君子不欲親於其身。爲不善。故諸

侯而不保社稷。則生名之。若蔡侯獻舞之類也。滅同姓則

名之。若衛侯燬滅邢之類也。天子或言出。亦比於失地。故

也。然春秋若居於翟泉之類。亦不書出。非惡也。諸侯之卒

亦有不書名者。未以名通故也。失地亦有不名者。若紀侯

之去國非得已也。滅同姓亦有不名者。若晉人執虞公。窮
虞也。記言典章之大略耳。若春秋之褒貶予奪。則聖心之
權衡。非言所能悉定也。○爲人臣之禮。不顯諫。三諫而不聽。則逃之。

有過則諫。忠也。不顯諫者。不欲顯其君之失。厚之至也。然
以義合者也。故三諫而不聽。則去之。○三山陳氏曰。孔子
之於魯。百里之於虞。未嘗諫而去。龍逢之於夏。比干之於
殷。則死於諫而不去。何也。事有輕重。勢有可否。君子以禮
爲守。以義爲行。迹雖不同。其趨一也。愚按。諫視乎其職與
事之緩急大小。或隱或顯。不必一轍。如必曰不顯諫也。則
亦失子之事親也。三諫而不聽。則號泣而隨之。號平聲。○
之矣。子之事親也。三諫而不聽。則號泣而隨之。有過則諫。
愛親之深也。然以恩合者也。責善則離矣。故三諫而不聽。
則以號泣隨之。隨從也。丹崖陳氏曰。將以感動親心。庶或
能聽也。愚按。諫親而不聽。號泣所不能。○君有疾。飲藥。臣
自己。亦自哀其誠之不足以順親故也。○先嘗之。親有疾。飲藥。子先嘗之。且防惡也。醫不三世。不服
其藥。呂氏曰。醫至三世。活人多矣。用藥熟矣。然後服之。謹
之至也。方氏曰。記之所言。道其恒而已。非世傳而自

得未及三世。○儼人必於其倫。儼。比也。倫。類也。○問天子之年。對

曰。聞之始服衣若干尺矣。聞之。謙辭。若干。數之未定者。不敢斥言其年。故言始時所服之

衣。今長短若干尺矣。亦敬也。問國君之年。長曰。能從宗廟社稷之事矣。

幼曰。未能從宗廟社稷之事也。長之丈反下同。○宗廟社

未能從。而長。問大夫之子。長曰。能御矣。幼曰。未能御也。夫

諸侯繼世。故有幼而為君者。大夫不繼世。五十始命為大

夫。其年不待問也。故此曰。問大夫之子。御。御車也。藝之卑

者。亦謙辭。問士之子。長曰。能典謁矣。幼曰。未能典謁也。謁。於射

莊陳氏曰。謁。請也。典。謁者。主賓客。問庶人之子。長曰。能負

薪矣。幼曰。未能負薪也。負薪。庶人之事也。士子當學禮。故

問國君之富。數地以對。山澤之所出。數。上聲。○山澤所出。若魚鹽金錫竹箭之

類。國君無私富。一問大夫之富。曰有宰食力。祭器衣服不假。宰。邑宰。家宰也。食力。以力易食。謂家臣之給奔。問士之

富。以車數對。數如字。○士受車馬。問庶人之富。數畜以對。數上

許六反。○雲莊陳氏曰。庶人受田有定制。○天子祭天地。惟畜牧之多寡。則存乎其人。故數畜以對。○天子祭天地。

祭四方。祭山川。祭五祀。歲徧。諸侯方祀。祭山川。祭五祀。歲

徧。大夫祭五祀。歲徧。士祭其先。此略言祭祀之典。天子父

地。以至羣小祀。無所不祭。祭天。於郊也。祭地。於社也。四方。

四時之方祀也。山川。天下之名山大川也。五祀有二。一曰

重。黎。該。脩。熙。卽月令所謂句芒祝融后土蓐收玄冥也。一

曰戶。竈。中。雷。門。行。亦見月令及祭法。歲徧。每歲徧祭之也。

方祀。卽四方。變文言方祀者。嫌於天子之有四方耳。山川。其封內之山川也。其先。謂祖考也。○呂氏曰。曾子問天子未殯。五祀之祭不行。士喪禮。禱於五祀。則自天子至士皆祭五祀。而祭法有七祀。五祀二祀之差。言涉怪誕不經。不

足據也。愚按重黎五者古后王君公爲五帝之佐自宜非大夫士所得祭也。若戶竈五者爲神已卑通於上下可無疑矣。乃或者又合二者而一之則益成附會。此章所謂五祀自宜主戶竈五者而言也。但士有疾得禱五祀而此只言祭先豈士惟有事得禱而常祭則不徧及歟亦不可考矣。○凡祭有其廢之莫敢舉

也有其舉之莫敢廢也非其所祭而祭之名曰淫祀淫祀

無福。此承上章而言祀典之不可干也。祭祀大典惟王者

然而

受命創制天下乃得以或舉或廢以定一代典章不

商周廢柱祀棄及已毀之宗廟之類皆是也。舉之卽新朝所定之祀典所當以時祭報者也。廢而舉之若魯立武宮煬宮衛祀相土之類也。舉而廢之若葛伯放而不祀魯不告朔之類也。呂氏曰非所祭而祭之謂法不得祭與不當祭者若魯之郊禘及祀爰居是也。注過也以過祀神非享也故無福。○方氏曰可廢而廢可舉而舉者存乎義因所廢而莫敢舉因所舉而莫敢廢者存乎禮禮有經而義有權也。愚謂凡祭者以己之精神通乎兩間之鬼神者也。天子爲天下主故天下之神皆祭之下此以至於士庶則分

有限而事有所不及矣。非其分之所及。與其事之所通。則其精神自不足以通之。雖祭如未祭耳。何福之有。記曰。淫祀之無福。所以絕媚神。儆幸之端。知淫。○天子以犧牛。諸侯

以肥牛。大夫以索牛。士以羊豕。碩曰。肥。索。求也。純色曰犧。充

用之也。牛羊豕。太牢。禮。羊豕。少牢。禮。孔氏曰。此言天子之

大夫。士也。若諸侯之大夫。則用少牢。士用特牲。其喪祭。則

大夫亦得用生。士亦得用羊豕。故雜記云。上大夫之虞也。特牲。卒哭成事

少牢。卒哭成事。禘皆太牢。下大夫之虞也。特牲。卒哭成事

禘皆少牢。○支子不祭。祭必告于宗子。支子。庶子也。猶木

可徵也。曰。別子為祖。繼別為宗。百世不遷者。大宗也。繼禘禘繼祖繼

曾祖高祖五世則遷者。小宗也。宗子。上繼祖宗。族人兄弟

皆宗之。冠昏必告。死必赴。况於祭乎。所宗乎。宗子者。皆支

子也。支子不敢祭也。如諸侯不敢祖天子。大夫不敢祖諸

侯。尊者之祭。非卑者所敢尸也。故宗子為士。支子為大夫。於上牲祭於宗子之家。祝曰。孝子某為介子某薦其常事。則是支子雖貴。可以用其祿。而不敢專其事也。宗子或在他國。則支子攝主以祭。其禮有殺。孔氏曰。宗子有疾。則庶

子可代攝猶必告於宗子。然後祭。○宗子之義。典禮之大經。人倫之主宰也。故天子者。天下之宗子也。諸侯者。一國之宗子也。大宗者。一族之宗子也。嫡長者。一家之宗子也。宗子之義明而禮定。則上下有等。貴賤有分。冠昏有主。喪祭有經。天地祖宗有所承。國家宗族有所統。姓族男女有所別。合之統於一人。而分之各有其屬。天下之人雖眾。皆若網在綱。有條而不紊矣。自宗子之義不明。而天下乖異。典禮不行。雖在一族之中。亦情義不相維繫。可勝歎哉。

○凡宗廟之禮。牛曰一元大武。元。頭也。武。足跡也。牛肥則跡大。此以下。周禮所謂牲

也。豕曰剛鬣。鬣。力葉反。○鬣。背上毛也。豕大則鬣剛。豚曰腍肥。腍。音突。○羊

曰柔毛。羊肥則毛細而柔順。雞曰翰音。翰。音寒。○翰。長也。犬曰羹獻。犬宜為羹。雞曰疏趾。雞肥則兩足開張。故曰疏趾。兔曰明視。兔肥則脯

曰尹祭。尹。正也。脯欲制。制方正。稟魚曰商祭。稟。音老。○稟。乾也。商。鮮

魚曰脰祭。脰。直也。魚不餒敗。則脰直。水曰清滌。清。可滌也。水酒亦為之號。酒曰清酌。

魚曰脰祭。脰。直也。魚不餒敗。則脰直。水曰清滌。清。可滌也。水酒亦為之號。酒曰清酌。

酒醴皆有糟。未泝曰黍。曰薺合。薺音香。氣香而黏。糟既泝曰清。以清為敬也。

梁曰薺其。梁之音基。其稗也。稷曰明粢。粢音資。明也。

為主。故祭祀。稻曰嘉蔬。蔬疏同。稻則茂。韭曰豐本。根本豐。鹽曰

鹹。鹹。鹹才何反。鹹味厚也。玉曰嘉玉。玉幣皆周禮所謂幣號也。幣曰量幣。中廣狹長短之度也。凡此非必盡有。

○天子死曰崩。諸侯曰薨。大夫曰卒。士曰不祿。庶人曰死。在牀曰尸。在棺曰柩。羽鳥曰

降。四足曰漬。死寇曰兵。降如字。漬積四反。卒終事之辭。不祿不能有其祿也。古者病將死。

則下置於地。冀其復生。既絕則還之牀上。尸主也。猶以為魂所依主也。極久也。欲其久而無朽壞也。降落也。四足謂獸。漬猶敗也。死而肉漬敗也。兵謂其死於兵也。春秋

於列國諸侯亦書卒。蓋曰崩曰薨者。臣子尊事而諱言死之辭。而有位者以死為終。

祭王父曰皇祖考。王母曰皇祖事。則卒者死之通稱也。

妣。父曰皇考。母曰皇妣。夫曰皇辟。家以父爲君。祖之尊踰等。則猶王也。故曰王父。皇。大也。明也。考。成也。卒而全歸。有成功也。妣。嬀也。配而有助之意。辟。君也。法也。其所取法焉者也。享以宗廟。以鬼事之。斯不可不異其稱焉。此周禮所謂鬼號也。生曰父。曰母。曰妻。死曰考。曰妣。曰嬪。壽考曰卒。短折曰不祿。嬪。蒲賓反。折。市設反。此互明上節之意。嬪。賓也。夫所賓禮也。亦妻死而享廟之稱也。不加皇字者。卑也。壽考。壽而考也。以其考終。故得稱考。稱卒也。洪範凶短折。天折。皆壽考之反。故曰不祿。不能保有其祿也。曰卒。曰不祿。不嫌與大夫士同辭者。彼計告之辭。此據言其實也。○謝氏曰。易曰。有子。考无咎。書曰。事厥考厥長。皆非死而後稱。蓋古者通稱而後世乃異之也。愚按。考妣自應是廟稱。或古人借以爲通稱耳。又呂氏謂壽考二句錯簡。○天子視不上於祫。不當在死寇曰兵之下。亦未知是否。

下於帶。國君綏視。大夫衡視。士視五步。綏。音切。綏。音安。雲莊陳氏曰。天子視。謂視天子也。祫。朝服祭服之曲領也。綏。頽下之貌。視國君者。目不得平看於面。當視其面之下。祫之上也。衡。平也。

視大夫者平看其面也。士之屬吏視士亦不。凡視上於面得高面下帶而得旁視左右五步之間也。

則敖下於帶則憂傾則姦敖去聲。○呂氏曰：上於面者其氣驕，知其不能下人矣。下於帶者，其神奪，知其憂存於心矣。視流而容側，必有不正之心。

存乎胸中矣。此君子之所以慎也。愚按此因上文而推言之，以為

戒也。○君命大夫與士肄在官言官，在府言府，在庫言

庫，在朝言朝。肄音異，朝音潮，下同。○肄重復肄習之也。官者，職守所司之總稱。藏貨曰府，藏器曰庫。朝則公朝私朝皆謂之朝也。凡君有命令，則大夫士當肄習之，其肄習也或在官或在府或在庫，在朝蓋隨其所命之事而肄之於其所也。在官則言官，在府則言府，在庫在朝則言庫言朝，不敢雜及於他事焉。專壹以敬君命也。

言不及犬馬也。褻也。輟朝而顧，不有異事，必有異慮，故輟朝而顧。君子謂之固。

輟猶罷也。罷朝當退，而或反顧，是必有異事，異慮矣。不然，是失容且惑人也。固，陋也。

在朝言禮，問禮對以禮。○此章論在朝之言貌。○大饗不

豐已直門卷之一 曲禮下第二

豐已直門卷之一 曲禮下第二

問卜。不饒富。

呂氏曰。冬至祀天。夏至祭地。日月素定。故不問卜。至敬不壇。埽地而祭。牲用犢。器用匏陶。

席用藁秸。視天下之物無以稱其德。以少為貴焉。故不饒富。愚按。魯之郊卜日者。魯用孟春祈穀之郊。非冬至之圖。

也。○凡摯。天子鬯。諸侯圭。卿羔。大夫鴈。士雉。庶人之摯匹。

童子委摯而退。野外軍中無摯。以纓拾矢可也。

鬯音暢。摯與贊同。

執物以為相見之禮者也。鬯。釀秬黍為酒也。和以鬱金。則曰鬱鬯。未和則曰秬鬯。言其芬芳條暢也。天子無客禮。無所用贊。然祭則裸鬯以降神。享諸侯則亦裸鬯。是鬯亦天子之贊也。圭。瑞玉。公執桓圭九寸。侯執信圭。伯執躬圭。皆七寸。子執穀璧。男執蒲璧。皆五寸。此不言璧略也。羔。小羊。卿執之。取其跪乳則孝。羣而有君也。大夫執鴈。取其飛有行列。進退以時也。士執雉。取其文采成章。介而有勇也。匹。鴈也。庶人執之。取其終守稼穡而無他志也。童子或執贊。於師長則委之於地而退。未敢抗成人之禮也。纓。馬鞅也。拾。遂也。以皮為之。著於左臂。以遂弦者。野外軍中。猝不能辦贊。故隨其所。婦人之贊。棋。棊。脯。脩。棗。栗。也。棋音矩。○棋。枳有而用之可也。

楊。腫枝如珊瑚。甜美可食。十月熟。另有子著枝端如馬蓼子。一名金鉤。一名白石李。一名癩漢指頭。一名雞距。榛似栗而小。婦初見於舅姑。執此六物爲贄。春○納女於天子。秋傳曰。女摯不過榛栗棗脩。以告虔也。○
曰備百姓於國君。曰備酒漿於大夫。曰備埽灑。埽灑皆去聲。○天子一后。三夫人。九嬪。二十七世婦。八十一御妻。合之凡一百有二十人。雖不必皆不同姓。然因概言之。故曰備百姓也。備酒漿。擬於酒人。漿人之列也。呂氏曰。不敢以伉儷自期。願備媵妾之數而已。皆自卑之辭也。

禮記章句卷之一終